

„Droschak“

ORGANE

de la Fédération

Révolut. Arménienne.

ԴՐՈՇԱԿ


Adresse:

REDACTION DU JOURNAL.

„Droschak“

GENEVE (Suisse)

«ՀԱՅ ՅԵՂԱՓՈԽԱԿԱՆ ԴԱՃՆԱԿՑՈՒԹԵԱՆ» ՕՐԳԱՆ



ՍԻՄԵՕՆ ԶԱԽԱՐԵԱՆ

1865—1913

ՏԻՊԱՐ-ՌԱՆՎԻՐԱՅ

Յուդարկաւորութիւն չէր, այլ կատարեալ ապօթէօզ... վաղուց, գուցէ երբեք չէր տեսնուած հայկական երկնքի տակ՝ ժողովրդային զանգւածների և պայքարող մտաւորականութեան այդքան բուռն ու ցաւոտ համակրանքի արտայայտութիւն, այդքան ջերմ, սրտագին, միահամուռ ցոյցեր:

Ոչինչ չէր այդ համատարած սուգի և սրտառու թափօրների մէջ, որ յիշեցներ սովորական մահերը: Ոչինչ չիմեծ, արհեստական՝ այդ ահագին ու պատկառոտ համախմբումների մէջ, որ հետևում էին դիակառքին և Պոլսում և Թիֆլիսում, այդ ջերմեանդ բազմութեան մէջ, որ Խոջիվանքի գերեզմանատան ծուկէր չորում ինքնարեւարձ՝ վերջնադժբը մոմջալու... Պարզ էր ամեն ինչ, պարզ, անարեւատ և անխարդախ, ինչպէս ինքը, մեր պաշտելի հանգուցեալը:

Երկու ամիս է անցել եղբերական դէպքի օրից և դեռ մահւան արձագանքը հնչում է — ցաւի փսսոսանքի, երգեմն նոյնիսկ յուսահատութեան շեշտերով — մեր երկրի բոլոր անկիւններից և դեռ երկար ժամանակ կը հնչէ նա մեր ականջներին, յիշեցնելով մեծ, աղէտաւոր, անփոխարինելի կորուստը:

Կորուստը — Հայ Յեղ. Դաշնակցութեան, հայ աշխատաւոր ժողովրդի, ամբողջ հայ ազգի:

Ե՛րբ է տեսնուած այդքան սրտաշորժ համերաշխութիւն Սգի մէջ: Ո՛ւմ դագաղի առջև են այդքան բուռն, անվերապահ հիացմունքով խոնարհել ամենքը — համախոհ ու հակառակորդ...

Այդ հանգամանքը աւելի ևս ընդգծում է կորստի մեծութիւնը:

Քչոր են անձնուրացները — աւելի ևս քչոր են սիւննատիպ անձնուրացները: Հայ ժողովուրդը — փառք իրեն — արտագրել է և կը շարունակէ արտագրել իր արիւնազանգ արգանդից անվեհեր մարտնչողներ և անվկանդ առաքեալներ: Բայց Չաւարեաններ կը ծնէ նա հատիկ-հատիկ: Եւ ոչ միայն մենք — ամբողջ մարդկութիւնը շատ հարուստ է այդ տիպար-ուսմիրաներով:

Ո՛ւր է գաղտնիքը մեր ընկերոջ այդ անսովոր հմայքի ու անսովոր ժողովրդականութեան:

Կարգացէ՛ք յօգւածների ու ներբողների անվերջ շարանը, որ լոյս տեսաւ այդ մահւան առթիւ հայկական մամուլի մէջ: Ամենքը մի սրբազան ջերմեանդութեամբ գրաւուած են մեր թանկագին ննջեցեալի բարոյական առաքելութիւնները:

Սիւնն Չաւարեան արտակարգ դէմք էր նաև իր ինքնատիպ մտակազմով, իր ուժեղ իմացականութեամբ և գիտական պաշարով: Բայց ահագին մեծամասնութիւնը նէկրոզների ծանրանում է նրա բարոյական

գծերի վրայ, հռչակում է նրա պարզութիւնն ու մարդութիւնը, անաղարտ շիտակութիւնն ու անսահման անձնւորութիւնը:

Ժողովուրդը իրեն մօտեցող գործիչների մէջ՝ ամենից առաջ բարոյական արժեքներ է փնտրում և եթէ չկան նրանք — ոչ մի խելք, ոչ մի արտակարգ իմացականութիւն չի կարող շահել ժողովրդական սիրտը... Կը շահէ գուցէ ժամանակաւորապէս, բայց երբեք տեղաբար:

Բարոյական ի այդ նախընտրութիւնը մտաւորի առաջ՝ միանգամայն հասկանալի է — և նոյնիսկ կրթեալ, մտաւորական տարրերն էլ մատնում են նոյն նախասիրութիւնը: Մարդ-անհատը այնքան աւելի արժէք կը ստանայ իր շրջապատի աչքում, այնքան աւելի կը բարձրանայ հասարակական ճշմարիտ արժեքների սանդուխի վրայ, այնքան աւելի կը շահէ յարգանք ու համակրանք, որքան աւելի կը շեշտւին նրա մէջ այդ բարոյական առաքելութիւնները: Իմացականութիւնը, արամքանելու ոյժը, մտաւոր ընդունակութիւնները արւում են բնութիւնից, այն ինչ բարոյական օժիտները՝ անհատը սովորաբար ինքն է վաստակում՝ անդուլ, դժւարին ճիգերով, ինքնաձգակութեամբ և ինքնադաստիարակմամբ, մաքառելով ժամանակի ու միջավայրի յարուցած անհամար խոչընդոտների դէմ: Այդպիսի անհատն է միայն արժանի կոչւելու մարդ՝ բառիս ճշմարիտ ու բարձր իմաստով: Դիւրին բան չէ մարդ լինել, մանաւանդ մեր հայկական միջավայրում... Չաւարեանը — նպաստաւորաւ, անշուշտ, իր առողջ ու բնատուր հակումներով — ինքն էր մշակել իր բարոյական անձնաւորութիւնը, ինքն էր ձուլել իր բաղադրարկներն անհատական պատկերը և նա մէկն էր այն սակաւաթիւ ընտրեալներից, որ կարող էր ասել հպարտութեամբ:

„Homo sum“, „ես մարդ եմ“:

Եւ վա՛յ նրան, որ կը դիպչէր այդ անձնաւորութեան, որ կը փորձէր սուեր ձգել այդ անբիծ պատկերի վրայ: Հեզ, յիսուսեան կերպարանքը կը փոթորկէր մի խօլ կրքով, աչքերը կը փայլատակէին և վտիտ մարմինը կը ծառանար հակառակորդի դէմ՝ ահեղ ու անողորմ:

Ահա շարժման սկիզբն է, 90-ական թւականները „Դաշնակցութիւնը“ նոր հիմնաւ, Քրիստափօր, Սիւնն, ընկերները գործի վրայ և հայկական չարախօսութիւնը սկսում է արդէն իր զագրելի գաղատաստները կուսակցութեան պարագլուխների դէմ... „Նրանք իւրացնում են Սուրբ Գործի համար հանգանակած գումարները“...

Ամբաստանութիւնը գալիս էր այն ժամանակաւոր ամենամեծ հայ օրգանի խմբագրութիւնից: Չայնը հասնում է Սիւննի ականջին, նա եռում է կատաղութեամբ և առանց երկար ու բարակ մտածելու, առնում է ատրճանակը, վազում յիշեալ Թերթի խմբագրատունը, արձանանում շանթահարւած խմբագրի առաջ, որպէս

վրիժառու նեմեզիդա և հաշիւ պահանջում յանցաւոր
գաղաասուքների համար.

«Յե՛տ վերցրէք, ապա թէ ոչ»...

Մարբուժիւնը, շիտակութիւնը և նման առաքինու-
թիւնները դեռ բաւական չեն իդէալիստ-մարտնչողի
կարիերը ստեղծագործելու համար: Պէտք է և բնա-
ւորութիւն, և կարագիր: Պէտք են և քաղա-
քացիական առաքինութիւններ, կամքի ոյժ, մաքի ու
գործողութեան անկախութիւն, արիութիւն ու խիզա-
խութիւն: Հերոսը, ռահվիրան ոչ միայն գիտէ տառա-
պել ժողովրդական ցաւերով, ոչ միայն իր ջինջ հոգու
խորքերում կ'առէ ամեն ճնշում ու բռնութիւն, այլ և
ընդունակ է հրաբխի պէս ժայթքել երբեմնապէս այդ
բռնաւոր ուժերի դէմ, առանց հաշիւ առնելու իր անձի
համար գալիք վտանգները:

Ահա մենք դարձեալ շարժման արշալոյսին. 1892-ն
էր, Թիֆլիսը թաղում էր Գրիգոր Արծրունուն: Եւ ինչ-
պէս այսօր Սիմոնի թաղումին՝ այն ժամանակ ևս ռուս
ոստիկանութիւնն առաջ անցաւ և թոյլ չէր տալիս, որ
Թափօրն ուղղւէր կենտրոնական փողոցներով:

Բայց ահա տեղացի մի գրոհ: Մի խումբ երիտասարդ-
ներ արհամարհեցին ոստիկանութեան հրամանը, գլուխ
անցան հսկայ Թափօրին, քաշեցին իրենց ետեւից զանգ-
ւածը, խորտակեցին ոստիկանների շղթան:

Խմբի հոգին էր երիտասարդ Ջաւաբեանը: Երկրորդ
անգամ բանտը հիւրընկալեց նրան, բիշ առաջ արդէն
բանտարկւել էր Յրապիզմուն, որից յետոյ մի տարի
աքսորական եղաւ Քրիստափօրի հետ՝ Բեսսարաբիայում:

Այդ առաջին թռիչքները արդէն իսկ բնորոշում էին
ապագայ գործիչին: 20 տարւայ դաժան անցքերի հնո-
ցում միշտ աւելի շեշտւեցին այդ խորապէս ուրոյն
բնաւորութեան հիմնագծերը, միշտ աւելի ճոխացաւ,
ամբողջացաւ Սիմոնի բարոյական դէմքը, որ այնքան
ուժեղ ազդեցութիւն ունեցաւ իր կուսակցական ընկեր-
ների վրայ:

Ըարբօնը տեղ չունէր այդ օրիգինալ պատկերի ու
կարիերի մէջ, տեղ չունէին և սին փառքի մտահոգու-
թիւնները և գատարկ սնօքիւմը:

Սիմոն դարձաւ յեղափոխական՝ իր հրեղէն խառ-
նեածքի ուժով, ապա նաև իր ուրոյն դատողութեամբ,
իր ինքնատիպ, յաւերժօրէն եռուն ուղեղի հրահանգ-
ներով: Իւ յեղափոխական երկարատեւ գործունէութեան
մէջ նա ունեցաւ մշտապէս երկու հզօր սկզբունք-
խթաններ, որոնք և այնքան հազաւագիւս փայլ տւին նրա
կարիերին.

— Անհատապաշտութիւն և Այլասիրութիւն:

Իր բարոյական աշխարհահայեացքի երկու հիմնական
սիւններն էին, երկու բեռները, որ սակայն լրացնում
էին փոխադարձաբար և կազմում մի ներդաշնակ ամ-
բողջութիւն:

Ուժնից էր ներշնչւած արդեօք — Դարվինի, Նիշ-
էից, թէ ռուսական սուբ'կոլտիստ փիլիսոփաներից,
կամ գուցէ իր իր ուրոյն դատողութեամբ էր մշակել
բարոյական այդ կուռ աշխարհահայեացքը, մանաւանդ
անհատապաշտութեան իր բիւրեղեայ հաւատամբը, որով
սոցորւած էր մինչև ուղ ու ծուծ: Նա գիտէր, որ
ընկերային էւոլյուսիօնը պիտի ծնունդ տայ վաղ թէ
ուշ բարձրատիպ, իդէալական մարդկութեան և որ այդ
վերջինը պիտի իրագործւի մարդ-անհատի աստիճանա-
կան կատարելագործումով, ուժեղ, բարձրատիպ անհա-
տականութիւնների (individualité) յարաճուն ծննդու-
բերութեամբ (ուժեղ և հարուստ՝ նախ բարոյա-
կան իրենց գծերով): Նա տիրութեամբ գիտում էր
թէ ինչպէս ժամանակակից հասարակութիւնը մակար-
դակել է (niveler) մարդկային միջիօնաւոր բազմութիւնը
տափակացրել անհատներին, զրկել նրանց իրենց ուրոյն
առանձնայատկութիւնները շեշտելու կարողութիւնից:
Նա չէր սիրում շաբօն, դիմազուրկ անհատներին, սի-
րում էր ընդհակառակը նրանց, որոնք գիտէին ամեն
տեղ ու ամեն պարագայում արտայայտել իրենց ինք-
նութիւնը ուրոյն միտք ու դատողութիւն, ուրոյն գործ
ու կամեցողութիւն, զերծ ու անկախ շրջապատի կաշ-
կանդումներից, ամեն տեսակ այլասեռող նախապաշա-
րումներից, սիրում էր նա, մի խօսքով, ուժեղ, ինքնա-
տիպ անհատներին, յարգում, գնահատում էր նրանց,
թէկուզ լինէին ամենաոխերիմ հակապոկորդներ ազ-
գային-հասարակական պայքարների մէջ:

Իսկ Հայաստանում, Թիւրքաց Հայաստանում, ստրկա-
մտութեան լայնածաւալ անապատի մէջ՝ նա գնահա-
տում էր անգամ սովորական հայ աւազակներին, որոնք
նոյնպէս իրենց տեսակի ուժեղ անհատականութիւններ
են: «Անապատը այնքան է վհատեցուցիչ, ասում էր նա,
որ ինձ ուրախութիւն են պատճառում անգամ այդ սա-
կաւթիւ աւազակաբարոյ տիպերը, որ գնում են սոսկ
թաւանի մտահոգութեամբ, զարնելու քրդին, տաճիկին,
երբեմն և հային... Աւա՛ չէր լինի, եթէ այդ ըմբոստ,
սրառոտ յանդուգն հոգիները բազմանային մեր իներտ
միջավայրում, ժամանակին հնարաւոր կը լինէր ուղղել
հոսանքը այլ ճանապարհով... Երբեմն ասես Շիլլերի
աւազակների պաշտամունքն ունէր մեր Սիմոնը:

Իւրաքանչիւր անհատ պէտք է գիտակցէ իր մարդ-
կային արժանաւորութիւնն ու կարողութիւնները, պէտք է
ձգտէ դուրս նետուիլ այն կաշկանդող շրջանակներից, ուր
արդի հասարակակազմը պահում է նրան կրաւորական
հնազանդութեան մէջ, պէտք է չընդունէ կուրօքէն
աւանդական բոլոր կարծիքներն ու հաւատալիքները,
պէտք է բննադատաբար վերաբերւի դէպի բոլոր «հա-
սարակական արժեքները», ներժէ նրանց, եթէ չեն
համապատասխանում իր անհատական տենչանքների, իր
սեփական իդէալի ոգուն, պէտք է ձգտէ ազատագրւել

Հանրային շինծու պայմանագրութիւններից ու նախապաշարումներից և համարձակ կռիւ յայտարարէ բոլոր «կեղծ արժէքների» դէմ, յանուն մարդկային անհատականութեան սրբազան իրաւունքների:

Այոց կեանքը մասնաւորապէս որքա՞ն հարուստ է այդ կեղծ արժէքներով, սին ու շինծու մեծութիւններով և գոհճիկ նախապաշարումներով: Դեռ չենք խօսում հազարաւոր այլ ոճրանիւթ ախտերի մասին... Եւ ի՞նչ զարմանք՝ որ Սիմօնը յաւիտենական ըմբոստացողի ու խարանդի դերումն էր ամենուրեք — Թիֆլիսում, Թէրապոլում, Արիւկիայում, Թէ Մուշում — ամեն տեղ, ուր նրա ջինջ, անխարդախ ու պահանջկոտ ոգին զարնւում էր շրջապատի բարոյական այլանդակութիւններին:

Առի՛ւ յանուն անհատականութեան: Անհատը պէտք է նւաճէ հնարաւորութիւն՝ զարգացնելու իր բոլոր մասւոր ու հոգեկան կարողութիւնները: Բայց անհատի այդ իրաւունքը, Սիմօնի հասկացողութեան մէջ, միանգամայն ներդաշնակ է ընդհանրութեան, հաւաքականութեան իրաւունքների հետ: Իւրաքանչիւրը պէտք է պնդէ, պէտք է շեշտէ ամեն առթիւ իր սրբազան, անկապտելի անհատականութիւնը, բայց և միաժամանակ պարտաւոր է յարգել ուրիշ մարդկանց նոյնքան սուրբ ու անբռնաբարելի իրաւունքները:

Ինքնասիրութիւնը կոմ կուզէք ինքնապաշտպանութիւնը, եգօիզմը իր ազնւագոյն ըմբռնումով ձուլւում է — Զաւարեանի դէմքի ու աշխարհահայացքի մէջ — այլասիրութեան կամ ալտրուիզմի հետ, Անտիթեզ, հակօրինութիւն չկայ երկու կատեգորիաների միջև, եթէ միայն եգօիզմ բառի տակ հասկանանք լոկ մարդկային անհատականութեան ու նրա իրաւունքների շեշտումը և ոչ բիրտ ենամոլութեան ու սանձարձակ վայելումի մի հաւատամբ: Դա նիշնեան կամ շտիրներեան եգօիզմ չէ, որ հեգնում ու ոտնահարում է այսպէս կոչւած «իդէալները», գաղափար, անձնւորութիւն, հայրենասիրութիւն, պարտականութիւն և այլն, Ընդհակառակը՝ սիմօնական անհատապաշտութիւնը խիստ բարձր է դասում այդ իդէալները, բարոյութիւն է մշտապէս զոհաբերել յանուն նրանց, բարոյութիւն է անդադրում զրկանք, նահատակութիւն, — յանուն Գաղափարի:

Ասկետ չէր բնաւորութեամբ, ճգնաւոր չէր իր խառնւածքով: Նա սիրում էր կեանքը, սիրում էր պաշտելու չափ բնութիւնը և կուզէր, անտարակոյս, ապրել լիաբուռն, ներդաշնակ, ամբողջական կեանքով: Բայց հակական ցաւոտ իրականութիւնը դնում էր կենսուրախ մարդու առջև իր անողորմ լ՛ՐՕ-ն. նա ստիպում էր իդէալիստ մարտնչողին կիսել, կբւել, այլասեւել, նա խեղդում էր նրա մէջ եսի ուժեղ, օրինաւոր պահանջները... Եւ ազատութեան ու հաւասարութեան ռահվի-

րան առաջ էր գնում՝ ասկետութեան ծանր խաչը շաւակած, յօժարակամ հրաժարելով հեանքի ամեն վայելքներից, որովհետեւ իր շուրջը ամենուրեք տեսնում էր թշւառութիւն ու արտասուք...

Եթէ մեր ընկերոջ լայն ու վեհանձն սիրտը բաց էր մարդասիրական ամենավեհ թոխչքների համար, եթէ նա ընդունակ էր սիրել, յարգել մարդկային անձնաւորութիւնը ընդհանրապէս, անկախ տեղից ու պարագաներից, համակրել նրա վշտերին ու զրկանքներին — ապա որքա՞ն աւելի ևս զգայուն էր նա հարազատ ցեղի, իր արիւնակից հայկական զանգաճի ցաւերի հանդէպ: «Հարազատ», «արիւնակից»...

Որքան էլ այդ պարզ սիրտը ըմբոստանար ամեն տեսակ շրջանակների ու անջրպետների դէմ, այնուամենայնիւ նա ևս, ինչպէս և բոլոր երկրների ճշմարիտ ընկերվարականները, գնում էր, չէր կարող չգնել, մի յայտնի տարբերութիւն հարազատի և օտարի միջև, սիրում էր առանձնապէս ջերմ ու քնքոյշ սիրով իր սեփական ժողովուրդն ու հայրենիքը: «Ուրիշ կերպ էլ անհնարին է — ասում էր յաճախ վիճաբանական ժողովների մէջ, արծարծելով հայրենասիրութեան իր դաւանանքը: Դա բնութեան պահանջն է, հայրենիքը ոչ այլ ինչ է, բայց եթէ ընտանիքի ընդլայնումը և բնական է, որ աւելի սերտ, աւելի ջերմ զգացումներ տիրեն մի հայրենիքի զաւակների միջև, բան թէ ամբողջ մարդկութեան անդամներն»:

Սին ու տարտամ, հայրենազանց կօսմօպօլիտիզմը, որին յարել էր Զաւարեանը ուսանողութեան առաջին օրերում՝ ռուսական նիճիլիզմի ազդեցութեան տակ, շուտ չքայցաւ հայրենի իրականութեան անողորմ պահանջների հանդէպ: Հարազատ ժողովրդի անօրինակ տառապանքը միշտ աւելի և աւելի արծարծեց նրա մէջ հայկական հայրենասիրութեան կրակը, որ հասնում էր մի կատարեալ պաշտամունքի. Եւ շատ յաճախ նա ստիպւած էր իր ընկերների հետ միասին պայքարել ընկերվարութեան սխալ, թերամիտ ըմբռնումների դէմ, որ մատնում էին սօցիալիզմի հայ նորընծաները մարքսիստական դպրոցից: Ցարւելով կօսմօպօլիտիզմի միամիտ զառանցանքով՝ նրանք պահանջում էին մի համայնապարփակ Սիրոյ մէջ ընդգրկել ողջ մարդկութիւնը, պահանջում էին դրժել ազգ ու հայրենիք, իբրեւ հնացած, դուրս-ժուազական ֆէտիշներ, ընդունել թիւրքահայկական դատն ևս, իբրեւ ոչ-ազգային, այլ պարզ մարդասիրական մի գործ, որին «կարելի է նպաստել»:

Քչւոր էին, բարեբախտաբար, այդ անհեթեթ թէօրիայի պաշտպանները — մի քանի գեներալներ առանց բանակի — և ժամանակն ու ստացած դասերը նրանց ևս խելքի բերին: Անմիս, անարիւն կօսմօպօլիտիզմը բնագատութեան դիմացող բան չէր. բարոյելով ամենքին սիրել, նա իրօք ոչ ոքի չէր սիրում. համամարդկային

Սիրոյ տարտամ անհունութեան մէջ լուծուած, կորչում էր ամեն մի զգացում...

Զաւարեանի սրտի և ուղեղի համար անհանդուրժելի էին այդ փնաստիար զառանցանքները, որ բնութեան ու պատմութեան ամենակոպիտ բռնաբարումն էին: Եւ նա հակադրում էր իր կրակոտ խառնածքի բոլոր ուժով: Նրան յաճախ կ'անւանէին շովինիստ, ազգայնամոր հիման ածականներ կը նետւէին նրան՝ երբեմն նաև մեր շարքերից, այսպէս կոչւած «անջատական» նորընծաներից: Սիմոնի հոգը չէր Յիշո՞ւմ էք խրիմեանի թաղումը: Մեռնում էր հայութեան պարծանքներից միւլը և, սակայն, այդ մահը ասես սովորական անցքերից էր մեր պահպանողական, ազատամիտ ու մի կարգ ձախակողմեան տարրերի աչքում: Ուսանց համար մեռնողը մի պարզ կղերական էր, ուրիշների համար՝ մի անպէտք կաթողիկոս, անշնորհք վարչագետ, էջմիածինը քանդող, դրամները անհաշիւ ծախսող ևայլն:

«Դաշնակցութիւնը», որին յաճախ են մեղադրել ազգային արժեքները գրծելու մէջ, դառնութեամբ հանդիսատես էր այդ անլուր վանդալիզմին, այդ ազադակող անարդարութեան: Եւ մեծ հայի թաղման օրը մէկը սլացաւ Թիֆլիսից դէպի էջմիածին, նետւեց գահավեժ անշուք հանդէսի մէջ, իրաւանցում ձգելով իր շուրջը, ցլեց իր վախ մարմնով բացւած գերեզմանի առջև և ցաւից ու զայրոյթից դողալով, արտասանեց ընդհանուր ուշադրութեան մէջ իր յուզիչ դամբանականը, որ մի խանգաղաւ ու անվերապահ ներքող էր խրիմեան հայրիկի:

Սիմոն Զաւարեանն էր: Սոցիալիզմի թոթովախօս ասպետները նորէն չպրտեցին նրա հասցէին և նրա վարած կուսակցութեան հասցէին սովորական ածականները՝ «շովինիստ», «կղերական»... Սիմոնի հոգը չէր նա եկել էր հասկացնելու անգիտակից բազմութեանը, որ մեծ մարդկանց չի լինի չափել գաճաճ չափերով և այն վայրկեանին, երբ նա մի չքնաղ յափշտակութեան մէջ մեռած կաթողիկոսի գովքն էր կարդում — փարաջաւորը կամ էջմիածնի յրանգող ճարտարապետը՝ չէր պատկերացած նրա յիշողութեան մէջ, այլ խրիմեանը,

60 երկար տարիների անզուգական աշխատանքը, սգաւոր հայրենիքի կենդանի մարմնացումը, վասպուրականի լացող ու մարանչող Արծիւը:

Սիմոն չէր մոռանում խրիմեանին: Թերեւս հոգիների մի յայտնի ազգակցութիւն կար երկուսի միջև: Նոյն լայն, պարզ, համբերաւար ոգին, նոյն բարձր ու խիղախ սլացքը, նոյն օրիգինալ ու թափանցող միտքը, նոյն գեղեցիկ *aisollement*-ը (անյօդ, անկապ) խօսքերի ու քայլերի մէջ, վերջապէս նոյն խան, ավառ ժողովրդասիրութիւնը, նոյն իդէալիստ, խստաբարոյ գերվիշուութիւնը...

Սիմոն չէր մոռանում խրիմեանին: Վասպուրականի Արծիւը նստած էր նրա գլխի մէջ՝ մահաւան նախօրեակին

խել, երբ մեր ընկերը խըմաբրում էր յօգեցնանական իր վերջին յօգւածը: Այդտեղ ևս, խորհելով ազգային արժեքների, սովորութիւնների ու արատների մասին, նա չի մոռանում ցաւոտ սրտով ակնարկ նետել մօտիկ անցեալի վշտառիթ գրաւգի վրայ... «Ինչո՞ւ այնպէս անշուք թաղեցին խրիմեանին»...

Սի հզօր ու չքեղ անհատականութիւն, հպարտ իր բիւրեղեայ մաքրութեամբ, ճշմարտասէր և ճշմարտական ամեն պարագայում, անողորմ վատութեան ու կեղծութեան հանդէպ, ծայրայեղ ու անզուսպ իր բարկութեան թռիչքների մէջ, բայց և ընդհանրապէս զիջող, ներողամիտ, հաշտարար երբ կը զայրանար ու կը

բռնկէր՝ ասես չարութեան մարմնացումն էր բայց փոթորիկն անցաւ — և ձեր առջև կանգնած էր մի բոլորովին տարբեր մարդ՝ նազովրեցու մեղմութեամբ ու խոնարհութեամբ: Գրոհ կը տար բուն թափով այս կամ այն հակառակորդի կամ ընկերոջ դէմ, աւելի շուտ նրա այս կամ այն կարծիքի ու վարմունքի դէմ, կը խարանէր, կը դատափեւէր ամենակծու մակդիրներով, բայց անցաւ վիճաբանութեան տենդը — Սիմոն ինքը կը մօտենար հակառակորդին, այն հակառակորդին, որի մէջ դեռ կը նշմարէր մարդկային կայծ: Եւ ո՞վ է, որ երբեք — անգամ վեճի, գաղափարային կրքոտ ու ցասկոտ ընդհարումների վայրկեաններին — չի խոնարհուել Սիմոնի այդ վեհ, ջենտլմեն հոգո՞ւ առջև: Ո՞վ է, որ անգամ ամեն



Ս ի մ ո ն և Ս ի մ Է Ս Ս

նաբուհն յարձակումներ կրելուց յետոյ չի զգացել անդիմադրելի պահանջ՝ հաշտելու վերստին այդ խառնող դատաւորի հետ, որ միացրել էր իր մէջ ուսման պիւնտական երկու ծանօթ, աշխարհահռչակ ատրիբուտները. «անկաշառ» — «ամբաստանող»:

Սիմոնեան յարձակումները գրեթէ միշտ առարկայական ընդդէմ — ոչ անձնական: Իւր այդ շիտակ առարկայականութեան ու անաշառ արդարամտութեան չափազանց շեշտած հակումը մղում էր նրան երբեմն դէպի անօրմալ քայլեր: Կը տեսնէիք նրան երբեմն հովանաւորի դերում՝ հանդէպ այս կամ այն անհատի, որ չէր գործել դաւաճանութեան պէս ծանր յանցանքներ, բայց որ ծանրապէս մեղանշել էր կազմակերպութեան այս կամ այն սկզբունքի դէմ և այդ պատճառով հալածուում էր կուսակցական ընկերներից:

Այդպիսի դէպքերում՝ մի շարք բարդ զգացումների հետ՝ Սիմոնի մէջ խօսում էր դարձեալ նորն անհատապաշտութեան զօրաւոր ձայնը, որ մի ընտելացրել էր համակրանք ունէր դէպի հայրածական անհատն ու խուժըր, դէպի հալածական փոքրամասնութիւնը...

Սակայն նա ինքը որքա՞ն յարգող էր կուսակցական կարգապահութեան, դիսցիպլինի: Այդ ըմբոստ, հպարտ, գերազանցօրէն ուրոյն ու անկախ նկարագիրը որքա՞ն սիրալոյսօր գիտէր ենթարկել մեծամասնութեան որոշումներին, անգամ երբ նրանք արածագծօրէն հակասում էին իր սեփական մտքերին: Անհաշտ հակառակորդ էր նա 1902-ին պատրաստուող «փոթորկի» գործունէութեան և ամեն ճիգի գործ էր դրել, որպէս զի չընդունէր կուսակցութեան մէջ այդ նոր ու վտանգաւոր մեթոդը: Իբր, սակայն, վերջինը ընդունեց մեծամասնութեամբ — իբրև հայկական անօրմալ կեանքի անօրմալ մի պահանջ — Զաւարեանը ոչ միայն համակերպեց, այլ և եռանդով գործակցեց ընկերներին այդ ուղղութեամբ:

Ագիտատօրը, յեղափոխական բարոյգէշը հանդիսանում էր միանգամայն և գերազանցապէս խուզարկու միտք, անդուլ ու անխոնջ աշխատասիրութիւն:

Ժընեւում — ուր մօտ երկու տարի (1902—1904) մեր սիրելի ընկերոջ գործակցելու բախան ունեցանք «Դրօշակ»ի խմբագրութեան մէջ — նա թէ ամենայն բարեխղճութեամբ կառարում էր իր խմբագրական պարտաւորութիւնները, գրում, կապում, թղթակցում ու առաքում, և թէ միանգամայն — ժամանակի, վարկեանքների մի ապշեցուցիչ բաշխումով ու անասութեամբ — հետևում էր համալսարանական ամեն տեսակ դասախօսութիւնների, հետևում էր պատանեկան եռանդով, անդադար կարդում, նօսեր տունում, ուսումնասիրում: Խիստ հազագիւտ են մեր մէջ այնքան բազմակողմանիօրէն զարգացած անհատներ, քիչ կան ուղեղներ՝ այն-

քան լեցուն փաստերով, թւերով ու ընդհանրացումներով՝ բոլոր ազգերի ու պետութիւնների կեանքից, անասութիւնից, պատմութիւնից և ամենից առաջ իր հայրենի իրականութիւնից:

Տիպար-խուզարկու և տիպար-ագիտատօր:

Հոնտոր չէր, ինչպէս և չէր գրող ու հրապարակախօս: Բայց նա գիտէր հրապարել ունկնդիրներին իր բացարձակ անկեղծութեամբ, ճշմարտախօս լեզուով, իր անպաճոյճ ձևերով և միշտ հիւթալի, բովանդակալի պաշտութիւններով: Բնագրային գարշանք ունէր դէպի փրուն, ճոռոմ, ուռուցիկ ճարաստանութիւնը և դէպի այն բոլոր հոնտորները, որոնք վայրկեանական առողութեան համար կը գան ուռցնելու իրողութիւնները, վարագուրելու կացութեան սաւերները և շլացնելու իրենց լսարանը լաւատես ու շունդալի դիպօնօններով ու պրօֆանօններով:

Այդտեղ ևս մեր սիրելի ընկերը ընկնում էր յաճախ ծայրայեղութեան մէջ: Նրա գարշանքը դէպի ուէտօրիկը (rhetorique) հասնում էր այնտեղ՝ որ նա արամադիր էր ժխտելու և հոնտորական ընդունած ձևերի օգտակարութիւնը, գեղեցիկ ու ներդաշնակ լեզուի ոյժը, ինչպէս նաև գեղեցիկ ոճի արւեստը հրապարակագրութեան մէջ և այլն: Խօսեցէք և գրեցէք ինչ լեզուով ու ոճով կուզէք — միայն թէ հասկանալի, մատչելի լինի — այսպէս էր հրահանգում նա: Ատելութիւնը դէպի դերասանները դառնում էր յաճախ ատելութիւն դէպի իսկական արւեստագէտները: Այդ գիծը ընդհանուր է մեր մի շարք հին ընկերներին, որ ուսական համալսարան են են անցել և գտնել են երբեմն յեղափոխական «նարօնայա վօլիա»ի ազդեցութեան տակ: Նրանց բոլորին յաւանշում է փոքր ինչ անձուկ ու ցամաք ուտիլիտարիզմ (օգտապաշտութիւն) այդ կարգի խնդիրներում, — մի հանգամանք, որ կարծես դժուար է պարփակելու նրանց խանդավառ ու բարձրասլաց իդէալիզմի մէջ:

Ծայրայեղութիւնները երկրորդական են. էականն այն է, որ Զաւարեանի քարոզչութեան մէջ, թէ հրապարակային բազմամարդ լսարաններում, և թէ հստորեկրկրային՝ նկուղներում, փոքրամիւ ունկնդիրների առաջ երբէք չէիք նշմարի կեղծ, արւեստական շեշտեր, երբէք նա չէր թագցնի, չէր վարագուրի իրականութիւնը յանուն ագիտացիական նպատակների: Այդ անվախ մարդը մէկ երկիւղ միայն ունէր — արատաւորել ճշմարտութիւնը: Այդ երկիւղը այն աստիճան ուժեղ էր նրա մէջ, որ երբեմն կը տեսնէիք թեղն ու անտիմեղը, գրութիւնն ու հակագրութիւնը միաժամանակ պաշտպանելիս: Կարծէր մի միտք ամենայն եռանդով, իր ամբողջ էութիւնը դնելով նրա մէջ: Սակայն սկզպտիկ, բնագատական ոգին գործում էր յարաժամ նրա եռուն, մշտա-

բորբոք ուղեղում և Լախենում էր նա, մի գուցե իր պաշտպանած թեղը իսկական, բովանդակ ճշմարտութիւնը չէ և նա ինքը մանում էր հակաճառողի դերի մէջ, ցուցադրում էր իր թեզի անպատեհութիւնները, սուեները... ի վերջոյ թեքելով այնուամենայնիւ դէպի մէկը երկու դրութիւններից:

Աստարեւորիկ — և համեմատութեան Ոչ մէկը գուցե հայ ինտելիգենտներից չէր հասել փառքի այն բարձունքներին: Սիրւած ու մեծարւած ամբողջ լայնածաւալ կազմակերպութիւնից գրեթէ համահասարակական ֆրիստափորի հետ՝ նա մի օր հասաւ իր գեղեցիկ ու ալեծուփ կարիէրի գագաթնակէտին, ընտրեց գրեթէ միաձայն ուստահայոց առաջին *Consilium*-ի, կենտրոնական ժողովի նախագահ: Ցարաւ այդ ներկայիւ պաշտօնը լիակատար արդարութեամբ ու ձեռնհասութեամբ, եղաւ ամենից գործնական միտքը այդ բազմամարդ ժողովի մէջ — և մինչդեռ մենք, շատերը մեզնից զբաղւած էին սկզբունքների ու թեորիաների արծարծումով, Սիմօն արտասանեց լուսագոյն, ամենախելացի ճառը, որ կը մնայ միշտ հայոց արշիվներում, իբրեւ կոթող նրա ընդարձակ, հանրագէտ ու գերազանցապէս գործնական մտքի: Ծափահարեց երկար ու որոտագին, արժանաշաւ, իբրեւ նախագահ և իբրեւ բանախօս, ամբողջ ժողովի, նաեւ փոքրածիւ հակառակորդների մեծարանքին, ստացաւ մի եզակի, նախանձելի դիրք, յաջս ամբողջ հայութեան:

Եւ երբեք, սակայն, լոյսի շլացուցիչ ճաճանչները չկուրացրին նրա պայծառ ու շիտակ տեսողութիւնը, երբեք ամենափայլուն դիրքերն ու աջողութիւնները չկարողացան մի նշանախեց անգամ խախտել նրա առաքելական հեմեստութիւնը, ունէ ճեղք բաց անել նրա յստակ ու ամբողջական նկարագրի մէջ: Անցաւ փառքի գինովութիւնը — և Սիմօնը նոյն վաղեմի դերվիշն էր... Երբէք ցուցամոլութեան ունէ սուեր և երբեք օնապարծ ամբարտաւանութեան ունէ ժեսա...

Ա՛հ, բախտի անագորոյն խաղ... Ո՞վ է, որ ճանաչել, ըմբռնել է նրան և կարող է գրի առնել այս յիշողութիւնները առանց արցունքի... Դիօգենեսեան լապտերով պէտք է զինւել՝ նման գոհարներ գտնելու համար:

Եւ սակայն, փառքի մասհոգութիւնները խորթ չէին մեր Սիմօնի բնութեանը: Նա նրանցից չէր, որոնք մի տեսակ մտաւոր երկչոտութեամբ յետ են բաշտում դէպի խաւար անկիւնները, գերադասում են մնալ միշտ անյայտութեան ու կորածութեան մէջ, ունենալով հանդերձ ուժեղ ու ազդեցիկ անհատականութիւն, մտաւոր փայլուն կարողութիւններ: Նման տիպարներ ևս կան մեր մէջ: Այդ էլ համեստութեան — մարգկային այդ բարձր առաքինութեան — մի առանձին ձեւն է:

Ձաւարեանի խառնածքը ըմբոստ էր այդ ձեւի համեստութեան դէմ: Նա ձգտում էր յարաժամ դէպի առաջին շարքերը, ձգտում էր միշտ՝ դէպի լեւոր: Պատնէշների, մարտական բարրիկադների գագաթներն էին հրապուրում նրան, և նա մղում էր տարերայնօրէն դէպի այնտեղ, իր մտաւոր ու հոգեկան ուժի հպարտ փրտակցութեամբ, բնաւ երբեք չտարւելով մանր ու ամուլ սնտիպառութիւններով, այլ առգորւած սոսի տիրական մի բաղձանքով — փութացնել Սուրբ Դատի յաղթանակը, գործ կատարել, բոտ կարելոյն արագ ու բեղմնաւոր, առաջնորդել պայծառ մտքով անօգնական ու ագէտ զանգւածները դէպի իդէալը...

Վերջացնենք: Սպառել այսպիսի թուղցիկ մի յօդւածի մէջ այդ բարդ ու բազմերանգ անհատականութեան ամբողջ էութիւնը — անհնարին է: Կը գայ ժամանակ, երբ ֆրիստափոր և Սիմօն — «Դաշնակցութեան» երկուրտապար-ուհիները — շատ կողմերով հակոտնայ և սակայն ներդաշնակող, փոխադարձաբար լրացնող, մինը աւելի հաւասարակշռւած, աւելի պաղ, արամբանող ու անման կազմակերպող, միւսը յաւիտենօրէն եռուն ու ոստոսուն, նոյնպէս կազմակերպող, բայց աւելի յաճախ բանդող, հարւածող, գերազանցապէս անհրաժեշտ նաեւ քանդումի աշխատանքի մէջ — կը գայ, այո, ժամանակ, երբ նրանք երկուսը կը ցուցադրեն հայկական երախտագէտ սերունդների առջև, կենսագրական ընդարձակ գրւածքներում, իրենց հզօր ու դիւթիչ կերպարաններով, գաղափարային անհասանելի մեծութեամբ:

Առայժմ բաւականանանք այս հակիրճ ուրուագիրներով:

Մեռնելու կան, որ թերեւս պէտք էլ չունին կենդանագիրների ու յուշարձանների: Ոչ մի դագաղ, ոչ մի տապանաքար չի բաժանի մեզ, ժամանակաւոր ողբերիս, մեր հարազատ Սիմօնից, մեր անմոռանալի ֆրիստափորից: Նրանք կը մնան միշտ մեր ուղեղների ու սրտերի մէջ, մեր ծիգերի մառախլապատ լարերին թոսում, որպէս յաւերժական ուղեկիցներ և անբաժան ճառագայթող փարոսներ: Եւ դժւարին, ազնապալի վայրկեաններում, երբ հինաւուրց կաղնին — «Դաշնակցութիւնը» — նորէն ու նորէն կը յայանւի դէմ յանդիման չարաշուք փորձութիւնների ու վտանգների, մենք ամեն անգամ հարց կը տանք մեզ.

— Ի՞նչ կ'անէր արդեօք ֆրիստափորը, ինչպէ՞ս կը վարւէր Սիմօնը:

Արցունքներ չաւ թափեցինք, ընկերներ: Մահւան ծանր, դաժանօրէն անակնկալ հարւածի հանդէպ՝ մի վայրկեան շշմոլոր հայեցիք մեր շուրջը և սարսափած յետ մղեցինք պարզուող անդունդի առջև: Այժմ զգաս-

տանանք: Սիմոնները չեն էլ սիրում երկար լալ ու լաց-
ւիլ: Սիրտ առնենք և խոր ու խոր ներշնչենք մեր
մարած ուսուցիչների օրինակով: Ունենա՛նք իւրաքան-
չիւրս մի մասնիկ այն հրաշալի և հրաշագործ կորովից
գաղափարային այն սրբազան յափշտակութիւնից, որոն-
ցով ապրում ու շնչում էին մեր կազմակերպութեան
հիմնադիրները և այն ժաւանակ մեր Դաւիթ առաջ
կերթայ անսայթաք—դէպի յաղթանակ:

Մ. ՎԱՐԱՆՅԱՆ

Ը Ն Կ Ե Ր Ո Ջ Յ Ի Ծ Ս Ց Ա Կ Ի Ն

Սիրելի՛... Դառն օրեր շատ եմ ապրել, այսօր կար-
ծես դառնագոյնն է... Իրեք ամիս անընդմիջ, խորապ-
ւած չեմ եղել, ինչպէս այժմ: Սրանից 21—22 տարի
առաջ, Դերեկայ վանքի մօտ, երբ դեռ նոր էի ոտքս
դրել կեանքի շէմքին, քրդերը սպանեցին իմ սիրելի
ընկերոջ Մովսէսին (ներսէս Եղիսանեան): Իրեքի պէս
լաց եղայ. զգում էի ինձ միանգամայն որսացած: Մով-
սէսը աւելի տարիքոտ էր և փորձառու, իսկ ես երի-
տասարդ ու անփորձ:

Անցան այնուհետև 21—22 ձիգ տարիներ. ինչե՛ր
չեկան մեր գլխուն. բանի՛ անգամ մահու ուրոճակներ
պաշաւ մեր վրայից—տքնեցիներ, մարզեցիներ, ծերա-
ցանք. ալեզարդ մազեր, աւերած ջղեր... Եւ ահա նորէն
մի դաժան հարւած, ամենածանրը, որ ստանում եմ
այն հեռաւոր օրերից ի վեր և որի տակ վերափն զգում
եմ ինձ—որքա՛ն Մահը խլեց մեզնից իմ սիրելի իմ պաշ-
տելի Սիմոնին: 20 տարի է, ինչ ճանաչեցի նրան— և
20 տարի էլ շարունակ կը սիրեի:

Ցաս տարի առաջ էր Երկարատե Թափառումներից
ու տանջանքներից յետոյ, ինչպէս բուրից ազատւածը,
մի տաքո՛կ սենեակի մէջ, հանգիստ էի առնում: Քանի
մի ընկերներ եկան մօտս. մինը առաջարկում էր Սա-
սուն գնալ, միւսը՝ Պարկաստան, երրորդը՝ մի այլ տեղ:
բայց ես բոլորովին ուժասպառ էի և կուգէի ժամանա-
կաւորապէս հանգստանալ: Մերժում էի ընկերներին:
Բայց ահա Սիմոնի մի նամակը.

— «Հանգստանալու ժամանակ, չէ սիրելիս. ես պէտք
է երթամ Կիրիկիա, դուն էլ պէտք է գաս ինձի հետ»:

Մերժել այլ ևս չէի կարող—գրողը Սիմոնն էր: Եկաւ
ինքն անձամբ և ես խօսք տւիւ Նորէն տարագրիցուպը
ձեռքս առալ: Սիմոնն անչափ ոգևորւած էր, բնաւ չէր
հանգստանում, անվերջ աշխատում էր: Ուր էլ լինէր—
իսկոյն բարեկամների, ընկերների մի շրջան կը կազմէր.
կը մտնէր բոլոր խաւերի վէճէճ այնքան նա մատչելի էր
Ուր էլ գտնէր, բոլոր տեղերի հետ կապեր կը պահ-
պանէր և ամեն վայրից տեղեկութիւն կուներնար: Բզմեկ-
ցութեան մէջ անսովոր եռանդ ունէր:

Երկար պտոյտներից յետոյ՝ Բէյրութ ենք, ապրում
ենք մի հիւրանոցում: Գնացել էի դուրսը պտտելու:
Վերադառնում եմ և մանում Սիմոնի մօտ: Նրա դէմքը
այլալուծ է, մտքները այլաժողով: Ի՛նչ է պատահել,
հարցնում եմ. պատասխան չէ տալիս: Նորից եմ հարց-
նում—և նա հեռագիրը է գնում առջևս... Քրիստոս-
փորի մահւան բռնի էր: Երբ հեռագիրը կըստանայ,
ալքօղի վրայ թէյ կը պատրաստէր և սոսկումից ու
շփոթելուց ձեռքերը կ'այրէ: Ըստ արտասելուց՝
դէմքի արտայայտութիւնը բոլորովին փոխել էր: Խեղճ
Սիմոն, ինչպէ՞ք չը լար...

Սակայն վհատութիւնը վայրկեական էր. նա շարու-
նակեց աշխատիլ: Մի նոր գոյժ հասաւ—այս անգամ
Վովկասից: Պայթել էր հայ-թաթարական ընդհարումը,
մի անակնկալ, որ մեզ երկուսիս էլ շշմեցրեց:

Պէտք է վերագրանայի առժամապէս ժընե: Սիմոն
դեռ պիտի մնար: Յանձնեց ինձ մի քանի նւիրական
իրեր՝ ժընե բերելու համար: Հաւաքել էր իւր կիլիկեան
թափառումների միջոցին: Սիմոնը— պաշտող, սիրահար
հայկական բնութեան, նրա օգի, ջրի, լեռների ու ձո-
րերի... Ջէյթունի մէջէն անցնող Ջիհան գետի ջրից լցրեց
էր մի շիշ և պահել որպէս սրբութիւն: Մերսինի թէ
Խարսուսի բանտարկեալներին այցելելով, ստացել էր
նրանցից, իբրև յիշատակ, նրանց ձեռքի աշխատանք—
վեց փայտե գդալներ: Մի ինչ որ լեռից մի կտոր բար
էր վերցրել և մի քանի ուրիշ մանր մուկ, բաներ, բո-
լորն էլ կիլիկեան յիշատակներ, յանձնեց ինձ, որ բե-
րեմ ժընե, «Դրօշակ» թանգարանի համար:

Մօտ մի տարի անց՝ նորէն հանդիպեցի սիրելի ընկե-
րոջս Վովկասուն: Իւ նորէն միասին ճանապարհ ընկանք—
այս անգամ դէպի Ղարաբաղ, խոր ձորերի ու կուսական
անտառների միջից: Երբ մտանք Գանձասարի անտառը,
Սիմոն տեսնելով լեռան վրայ հռչակաւոր վանքը, յուզ-
ւեց, էլ չէր կարող համբերել խնդրեց, որ իսկոյն բարձ-
րանալք վանքը նայելու: Գնացինք: Մեր ընկերների մէջ
Սիմոնի պէս հետաքրքիր մէկին չեմ պատահել: Մի քանի
ամսից յետոյ նորէն ուղեկիցներ էինք: Ապա դարձեալ
բաժանեցինք: Վերջին անգամ Պոլիս տեսայ իրեն. նոր
վերադարձել էր Մուշից, Սանունից, իր այնքան սիրած
ու գուրգուրած վայրերից, ուր այնքան աշխատանք էր
թափել և այնքան զրկանքներ կրել յանուն ժողովրդի
յառաջագիմութեան, փոխարէնը յաճախ հալածանք ու
պարսաւանք կրելով:

Ցարոնից էլ բերել էր հետը յիշատակներ. երկու
վայրի ոչխարի և մի արջի մորթ... Անվերջ չարչարանք-
ներից, հալածանքից ու զրկանքներից յետոյ, երբեք ես
նրա բերնից չեմ լսել դժգոհութեան խօսք: Գուցէ
Սիմոնը միակ լինի՝ այնքան անուշադիր դէպի իր մեռնողը,
հագուստը և այլ պէտքերը: Ըստ էի կուռում, յանդի-
մանում, բայց նա ժպտում էր ու կարեւորութիւն չէր
տալիս:

Ժուժկալ էր մանաւանդ իր բարոյգէական թափառումները ընթացքում իր մտնէի իր սենեակը. ահա նա յոգնած պառկել է, ըստ սովորութեան կողքի վրայ և անբաժան շալը ուտերին։ Ապա կը վերկենար ու թէյ կը պատրաստէր. ծորակը կուտած մի թէյաման ունէր, արկղի մէջ՝ մի քիչ հաց ու պանիր, կամ մի երկու հաւկիթ, մի թղթի մէջ՝ շաքար ու սուրճ կամ թէյ, ալքոօլի լամպան էլ բովը։

Յիշողութիւնները առատ-առատ խմբւում են ուղեղիս մէջ, սեղմում են կոկորդոս...

Հիւանդ էի, անկողնի մէջ, երբ ստացայ գուժաբեր հեռագիրը։ Ուրբաթ օր գնացք նստեցի դէպի ծովեզերք։ (Բանդրմա), ուսկից ծովով 5 ժամ է մինչև Պօլիս 11 ժամ գնալէն վերջ հասնում եմ Բանդրմա. բայց նաւ չկայ։ Սպասեցի միւս օրւան. դարձեալ չկայ նաւ։ Ինթադրելով, որ հէնց կիրակի օր մարմինը պիտի փոխադրէին Կովկաս, մտածեցի, որ անօգուտ է աւելի սպասել. այնքան տանջւում եմ, որ չկարողացայ վերջին անգամ տեսնել իմ սիրելի Սիմօնին, վերջին անգամ համարուել նրա անբիծ ճակատը։ Էեկեկացի անվերջ, երեսայի պէս... Հարւածը սոսկալի է։

Եւ այսպէս գնում են մին միւսի ետեւից մեր առաջնորդները, մեր անձնուրաց գործիչները. գնում են իրենց տեղը պարապ թողնելով։ Նոր սերունդը կը տայ մեզ արդեօք Սիմօններ...

Վ Ա Ր Դ Ա Ն

Մամիսա, 12 Յոյնմբեր.

Ք Չ Ե Ր Ի Յ Ս Է Կ Ը

(ԸՆԿԵՐՈՂ ԵՒ ԲԱՐԵՎԱՄԻ ԹԻՇԱՏԱԿԻՆ)

Վաղուց էր այն... 24 տարի առաջ։ Թիֆլիսի... տան մէջ հաւաքւել էին յօդ 15 երիտասարդներ։ Բոլորը հայեր են։ Բոլորը խանդավառւած մէկ գաղափարով, միեւնոյն ցանկութեամբ, միեւնոյն յափշտակող երազով—տեսնել հարազատ ժողովուրդը ազատագրւած թիւրքական լծից։ Ահա գիշերից անց էր, բայց դեռ չարունակւում էին տաք վիճաբանութիւններն ու ոգևորւած ծառերը փոքրիկ, խեղդուկ սենեակի մէջ։ Նորէն ու նորէն կրկնւում էին նրանք։ Սեծ, անհրաժեշտ, ծանրակշիռ գործը միանգամից չի ծնւում։ Ըրւում, նա սակայն, ծնունդ առաւ։ Սկիզբ դրւեց Հայ Թեղափոխական Պաշտակցութեան, որի նպատակն էր յաճառ ու անհաշա կուլ մղել համադրեան կառավարութեան դէմ։ Եւ այդ հիմնադիրների շարքում էր մեր խորապէս համակրելի ընկերը, Սիմօն Զաւարեան։

Նրա ամբողջ կեանքը սերտ կերպով հիւսւած է կուսակցութեան պատմութեան ու ճակատագրի հետ և սկզբից մինչև վերջ նա խաղաց առաջնակարգ, պատասխա-

նատու դեր, սոցորւած ամբողջապէս կուսակցութեան հոգսերով ու շահերով։ Նա մէկն էր այն, տարաբախտաբար, սակաւաթիւ անհատներից, որոնք մինչև գերեզման հաւատարիմ են մնում երիտասարդութեան տենչանքներին, չեն վհատւում, չեն ընկճւում հանրային ու անձնական ձախորդութիւնների բեռի տակ, չեն կորցնում իրենց յոյսը ճշմարտութեան յաղթանակի համար, ճշմարտութեան՝ որ լուսաւորում է նրանց փշոտ ճանապարհը և կենսարար ու յաւերժական լոյսի ճառագայթներով սոցորում է նրանց անհանգիստ, փոթորկոտ ու ազատասէր ոգին։

Աշխոյժ, ապաւորւող, զգայուն ու անկեղծ, սիրող և յաւերժօրէն գործունեայ՝ նա աչքի էր ընկնում մի հազւագիստ և ուշագրաւ յատկութեամբ—անսահման խառապահանջ էր դէպի իր անձը և նոյնքան զիջող, ներողամիտ էր դէպի ուրիշները. մի բան, որ սակայն չէր արգելում նրան՝ բաց ու համարձակ կուել մարդկանց յատուկ թուլութիւնների ու արատների դէմ։ Ուղղամիտ և ճշմարտասէր, երբեմն մինչև ծայրայեղութիւն, վերին աստիճանի պահանջկոտ կուսակցական պարտականութեան խնդիրների մէջ... Այդ պատճառով երբեմն անւանում էին նրան «միակողմանի և դաժան ռիգորիստ»։ Բայց դա միայն մի առանձին թույլ էր հաղորդում նրա կատարել, ամբողջական բնութեան, որի մէջ ժողովրդական բարօրութեան տենչը այն առանցքն էր, որի շուրջը պտտւում էին ազատաշունչ ռազմիկի բոլոր մտահոգութիւններն ու հոգեկան ապրումները։

Կեանքի ծանօթութիւնը և հանրային կեանքի բարդ ու կնճռոտ, հակասական պայմանների մէջ ճամբայ գտնելու հմտութիւնը մեղմում էին նրա մոլեգնոտ ոգին և հնարաւորութիւն էին տալիս գտնելու կուսակցութեան համար շիտակ ուղղութիւնը, առանց խաթարելու սիրած գործի գաղափարային իզեական պատկերը։

Սիմօն Զաւարեանը ամբողջ եռութեամբ ներւած էր իր հարազատ հայ ժողովրդին, բայց իր ոգով, կրթութեամբ, իր քաղաքական-հասարակական տրամադրութիւններով՝ նա ռուս տիպար ինտելիգենտ էր, յեղափոխական հնարօգնայա վօլիսի սաներից։ Հին «Պետրովկա»ի ուսանող, ջերմ երկրպագու այն աւանդութիւնների, որոնցով կեանք էին մտել «հերոսական շըրջանի» ռազմիկները՝ նա մտաւ «Գաշնակցութեան» շարքերը, նպատակ ունենալով ուղղել այդ կուսակցութիւնը նոյն ճանապարհով, որ գծել էին իր ռուս յեղափոխական վարպետները 70-ական և 80-ական թւականների։ Իրաւ է, Զաւարեան մենակ չէր այդ գործի մէջ։ Նրա քովին ժայռի պէս կանգնած էր մի չքնաղ և կարող դէմք, նոյնպէս վաղաժամ նահատակւած մի ռազմիկ—Քրիստափոր Միքայէլեանը—որի յիշատակը կ'ապրէ հայ ժողովրդի մէջ, քանի դեռ կը մնայ աշխար-

Հում գէթ մի հատիկ ազնիւ հայ խոշոր են և Զաւարեանի մատուցած ծառայութիւնները: Նա ուներ լայն եւրոպական կրթութիւն, գնահատել էր սօցիալիստական ճշմարտութիւնը և գնահատելով, ընդունել էր սօցիալիզմը, որպէս վերջին նպատակ իր կուսակցութեան: Եւ եթէ «Դաշնակցութիւնը» կանգնեց ինտերնացիոնալի առաջ, իբրեւ ոչ միայն յեղափոխական, այլ և ընկեր-վարական կուսակցութիւն, — դրան քիչ չնպաստեց Սիմոն Զաւարեանը, որ գործօն մասնակցութիւն ուներ կուսակ-ցական ծրագրի ու տակտիկի մշակման մէջ:

Իւր հա նա այլ ևս չկայ... Գնում են, լաւերն են գնում: Յետոյ է, վշտալի է: Ի՞նչ արած. մահաւան առջև ամենքը հաւասարապէս անգոր են: Բայց պէտք է գէթ կեանքի առջև չխոնարհուի: Նետեցէ՛ք, ուրեմն, այդ կեանքին խիզախ, անվեհեր կոչը: Վերանորոգեցէ՛ք այն՝ համաձայն ճշմարտութեան, բարութեան ու գեղեցկու-թեան: Դա կը լինի լաւագոյն արձանը մեր թանկագին, նւիրական գերեզմանների վրայ:

Վ. ԼՈՒՆԿԻՆՍԿԻ

Հ Ո Յ Ա Կ Ա Պ Ց Ե Ր Վ Ի Ծ Ը

Առաջ եմք բերում եւ յայտնի հայ գրագէտ պ. Ա. Զօպանեանի նառք, արտասանած Պարիզում, մեր ընկերոջ մահուան հառաւորականի առթիւ կազմւած սգահանդիսին *): Պ. Զօպանեանի իւստիքը քաղվածն են այն խորունկ համակրութեան, որ սիրելի հանգուցեալը վաստակել էր իր լոյսնակ չեզոք ու հակառակորդ սարսերի մէջ:

Սիրելի հայրենակիցներ,

Սիմոն Զաւարեանը, որուն վաղաժամ մահը ողբալու համար հաւաքւած էք հոս այս իրիկուն, ինծի ծանօթ էր իր գործունէութեան ընդհանուր գծերով միայն: Բայց ինչ որ ինծի ծանօթ էր՝ կը բաւէր, որպէս զի յարգէի զինքը իբր մեր ցեղին ամենէն թանկագին ներկայացուցիչներէն մին: Գիտէի ինչպիսի մեծ տեղ մը կը բռներ ան մեր ազգային կեանքին մէջ՝ իբր ազգա-սէր գործիչ, իբր հայոց ամենէն հզօր յեղափոխական կազմակերպութեան հիմնադիրներէն և ղեկավարներէն մին, իբր ուսուցիչ, իբր հայ գիւղացւոյն կացութեան բարելաւմը հոգածու անձնէր ու հմուտ մասնագէտ. և ան ինծի ծանօթ էր մանաւանդ իբր այն անդուգա-կան Հայը, որու մասին չգիտէի ճանչցող ամեն հայէ, ինչ կուսակցութեան ալ պատկանէր, հիացման ու գորովի խօսքեր միայն լսած էի: Իր անակնկալ մահուան գոյժը ինծի ամենախորին ցաւ պատճառեց, որպէս թէ հին մտերիմ մը կորսնցուցած ըլլայի. զգացի, գեռ իր դա-

գաղին շուրջ մեր ամբողջ ազգին կողմէ հսկայական կսկիծի մը պոռթկումէն իսկ առաջ, թէ հայ ժողո-վուրդը՝ այդ մեծահոգի գործիչին անհետացմամբ՝ ար-տակարգ ուժ մը կը կորսնցընէր: Եւ ահա ինչու պարտք համարեցայ ներկայ ըլլալ այս հաւաքման, զոր դուք, հանգուցեալին կուսակցական ընկերները, կազմակերպած էք իր յիշատակը յարգելու համար, և իբր հայ ազգի անդամ մը՝ իմ ցաւս բերել միացնել ձեր սուգին:

Անգամ մը, մէկ անգամ մը միայն, տեսած եմ Զաւարեանը: Հինգ տարի առաջ, Պոլիս, Իւսկիւտարի նկա-րագեղ բարձունքներուն վրայ, ծանօթացայ իրեն, ու ժամ մը միասին ման եկանք ու խօսակցեցանք: Այդ միակ տեսակցութենէն պահած եմ խոր ու անջնջելի ապաւորութիւն մը: Իր ազնւական անուշութեամբ օժեւած դէմքը, իր խօսելու, վարելու եղանակին բնական շնորհն ու եղբայրական բնորոշութիւնը, իր զգալու, մտածելու կերպին ակներեւ անկեղծութիւնը, խաղաղ ու ներդաշ-նակ ջերմութիւնը՝ զմայլեցուցին զիս. իսկոյն ունեցայ զգայութիւնը՝ գերբնտիր հոգիի մը դիմացը գտնելու «Առաքեալ» բառը յաճախ յեղյեղեցաւ իրեն նկատ-մամբ՝ իր մահուան առթիւ արտասանւած ճառերուն կամ հրատարակւած յօդածներուն մէջ. արգ, նկատի ունե-նալով ամեն եսականութենէ հրաժարած, ինքզինքն ամբողջովին հանրութեան նւիրած այդ բարոյող, ոգևո-րող, փոփոզող, իդէալ սերմանող, մաքուր ու արի հոգիներ դարբնող թափառական ու ներշնչեալ տերվիշի հոյակապ կեանքը, ես ոչ միայն իրաւացի կը գտնեմ այդ մեծ պատուանունին յաւկացելը Զաւարեանին, այլ՝ իմ այն օրը իրեն հետ ունեցած տեսակցութենէս կրած տպա-ւորութեան համեմատ՝ կը մղեմ ճշտել, և ըսել թէ ան կ'ոգէր Աւետարանի առաքեալներուն մէջէն ամենէն քաղցրը և ներհունը, ամենէն երազունն ու դաշնա-բարբառը, զիսմ նազովրեցւոյն ամենէն սիրելի աշա-կերտը. ան ինծի կը թւի եղած ըլլալ Հայ Յեղափո-խութեան սուրբ Յովհաննէսը: Հաճելի է ինծի համար իմ այդ հին ապաւորութիւնս արթնցընել այս իրիկուն և բերել զայն իբր իմ ալ յարգանքիս մէկ նշանը գնել մեր ողբաքեալ վեհօգի հայրենակցին դամբարանին վրայ:

Այն մեծագործ յուզմունքին մէջ, որով բովանդակ հայ ժողովուրդը, Զաւարեանի մահամբ ինքզինքը հար-ւածւած զգալով՝ որպէս թէ ինքն իսկ սրտէն զարնւած ըլլար, անոր դաժաղին առջև ծուկի եկաւ ու հեկեկաց՝ ինչպէս խոցւած դառնասուգ մայրիկ մը իր անձնէր, խնամատար մէկ զաւկին շիրմին հանդէպ, այդ մեծա-շուք յուզմունքին մէջ, ես չեմ գիտեր որով վրայ աւելի պրանջանալ այդ ժողովրդի՞ն, որ այդ աստիճան խորու-թեամբ, միահաղունութեամբ ու վեհութեամբ գիտցաւ իր մէկ մեծ գործիչին մահը ողբալ և յիշատակը դափ-նեպսակել, թէ անհետացող Հայորդիին, որ իր հոգւոյն անխառն մաքրութեամբ, իր կեանքին զմայլելի գեղեց-

*) Սգահանդէսը կազմակերպւած էր Հ. Թ. Դաշնակցու-թեան Պարիզի ենթակոմիտէի ձեռքով, տեղի ունեցաւ ամ-բողջ աշխատաւոր հայ դաշնակցի ներկայութեամբ խօսքերն Վիկտոր Բերար, Զօպանեան և ընկերներ Էսհպազ և Վա-րանդեան:

կուլթեամբ կրցաւ այսպիսի յուզմունք մը ներշնչել իր մահովն ազէտաւորած ժողովրդին: Բայց ես կը կարծեմ թէ այդ զանազանութիւնը, այդ ընդդիմաբերումը աւելորդ իսկ են արդէն և անձիշտ: Զաւարեան մը և հայ ժողովուրդը անհնար է անջատել իրարմէ և մին միւսին հետ համեմատութեան դնել: Զաւարեան ուրիշ ոչինչ էր եթէ ոչ նոյն ինքն հայ ժողովուրդը իր բարոյական լաւագոյն տարրերուն մէջ խտացած, համադրած, խորհրդանկարած: Ծայրայեղ զգայնութիւն, պարզ ու խորին անկեղծութիւն, ժողովրդասիրութիւն, ազատասիրութիւն, յառաջդիմասիրութիւն, անվհաս ու անխոնջ աշխատածիրութիւն, գաղափարի մը համար յօժարակամ յանձն առնած ջարաջար ու անվերջ զոհաբերութիւն, ասոնք էին Զաւարեանի յատկանիշները. և ասոնք չե՞ն միթէ՝ իր բազմադարեան ցաւագին ու սքանչելի պատմութեանն ընթացքին՝ հայ ցեղին ալ՝ իր բոլոր թերութեանց մէջէն մշտապէս դուրս ցցող, իր հոգիին տիրական գծերը կազմող յատկանիշները: Բնական էր ուրեմն, որ հայ ազգը, առանց ունէ կուսակցական կամ դասակարգային խտրութեան, միահամուռ մորմոքով մը ողբար կորուստը մարդու մը, որուն հետ մենէ ունէ մէկը կրնար այս կամ այն կէտին վրայ գաղափարական անհամաձայնութիւն ունենալ, բայց որուն հայ մարդու անարատ ու հարազատ հոգիին հանդէպ մեր ամբողջ ազգը չէր կրնար ամենախորին խանդաղատանքէ ուրիշ զգացում ունենալ:

Ողբը, սակայն, որ կը պաշարէ Զաւարեանի շիրիմը, պէտք է վհատութեան ձև զգենու: Մտածել, ինչպէս ոմանք ըսին՝ ցաւի սաստկութեան մէջ, թէ այդ Յեծ անհետացեալին տեղը ոչ որ պիտի բռնէ, մեր ազգին կենսունակութեանը մասին տարակուսիլ է. այդպիսի ներքող մը, որ, մեծցնելով հանգուցեալը, կը փոքրացնէ իր ազգը, տհաճոյ պիտի ըլլար իրեն իսկ՝ Զաւարեանին, եթէ կարող ըլլաւ լսել ինչ որ այժմ կ'ըսէ իր մասին. անշուշտ, Զաւարեանի պէս գերազանց մաքրութեամբ հոգիներ հազագիւտ են, ոչ միայն մեր, այլ ունէ ազգի մէջ. բայց պէտք է մենք հաւատանք թէ մեր ցեղը՝ որ դարերէ ի վեր ամբողջ շարք մը տւած է այդպիսի անձնէր ու վճիռ հոգիներու, նորէն կարող է տալ, և այժմ իսկ ան ունի իր ծոցին մէջ այնպիսիներ, որ պիտի յառաջ տանին գործը, որուն ան լծած էր: Ողբաւ Զաւարեանը, յարգել իր յիշատակը, անմոռաց պահել իր անունը, բայց չվհասիլ, հեռելի իր օրինակին, և իր գործը շարունակելով մեծարել իր անունը, այս պէտք է ըլլայ հայ երիտասարդութեան պարտքը անոր շիրմին հանդէպ:

Կան տիպարներ զոր գրականութիւնը կըստեղծէ, և ժողովուրդները՝ հմայած՝ այդ մտացածին տիպարները կ'իրակացնեն. այդպէս՝ ԲաժՖիի հերոսները. բայց կան ալ մարդիկ, որ իրենք իսկ՝ իրենց հոգիին բնիկ զօրու-

թեամբ, իրենց կեանքին ինքնաբուխ գեղեցկութեամբ, տիպարի մը բարձրութեանը կը հասնին ու ներշնչարան կը դառնան գրագէտին. այդպէս՝ մեր հին վարդանը, կամ մեր երէկւան Աղասին, որոնց մին ներշնչեց Եղիշէն ու միւսն՝ Արսիւսանը: Այս կարգի մարդոցմէն էր Զաւարեան, որուն դէմքը կոչւած է հայ քնարը ոգևորող գիւցազներգական դէմքերէն մին դառնալ: Անոր համար, այսօր, մեր ազգին բոլոր հատուծներուն ու բոլոր հաստատութեանց հետ, Մեսրոպներուն, Խորենացիներուն, Եղիշէներուն ձեռքով հիմնւած, Մխիթարներուն, Արսիւսաններուն, Ալիշաններուն շունչով վերականգնացած ու ճոխացած Հայ Գրական Տունը ևս սգաւոր է. անոր սուգն ալ է, զոր կը համարձակիմ, իմ անձնական վշտիս հետ, բերել այս իրիկուն ձեր մեծարանքի և ցաւի արտայայտութեանը միացնել:

ԱՐՇԱԿ ԶՕՊԱՆԵԱՆ

Գ Ե Ղ Ե Յ Կ Ա Գ Ո Յ Ն Պ Ս Ա Կ Ը

«Յիշատակն Արղարոց»...

Ինչ որ Սիմոնին մէջ՝ նկատի առնւած իբրեւ հասարակական գործչի, կը կազմէր, ըստ իս, ամենէն թանկագին, ամենէն անստգիւտ յատկութիւնը, և, իբրեւ գերագոյն յատկանիշը անոր հզօր նկարագրին, կը տիրապիտէր իր բոլոր միւս արժանիքներուն, այն անդրդուելի, անընկճելի և անխոնջ թափն էր՝ որով գիտէր ան սանձահարել, ամեն առիթ և ամենուրեք, ի գին՝ յաճախ՝ ամենազգուշին բաղխումներու և անձնական արտամոռմոր նուաստացումներու ու տառապանքներու, մեր շարքերուն մէջ անհասական շեղումները և տկարութիւնները դէպի փառասիրութիւն ու պատւատենջութիւն:

Քաղաքական և յեղափոխական կազմակերպութիւնները, առհասարակ բոլոր այն խմբակցութիւնները, որոնց միակ շաղկապող ու շարժող ուժը բարոյական է, էօպէս,—ինչպէս բարոյական է նաև անոնց հեռապընդած Նպատակը՝ որ մարմնաւորւած համեմատաբար շօշափելի մէկ քանի միտքերուն կը ներկայանայ իբրեւ Իդէալ-Ջահըլ դէպի իրեն ուղղողներուն, — վերջապէս հասարակական կեանքի մէջ ապրելու, գործելու և զարգանալու կոչւած բոլոր մարդկային հաւաքականութիւնները, որոնք կառուցուած են գաղափարի տիրոջմէն մէջ, այլասիրութեան, իրերասիրութեան և արդարութեան հիմունքներուն վրայ, ենթակայ են, բոլորը, առանց բացառութեան և տեականօրէն, վերին աստիճանի կործանարար ու աղէտաւոր վտանգի մը՝—այն է պատւի, փառքի ու դիրքի ցանկութեանց անակնկալ պոռթկում:

ներու ամենօրեայ հնարաւորութիւնը՝ այդ խմբակցութիւնները կազմող անդամ անհատականութիւններուն հոգիներուն մէջ:

Եւ այս վտանգը, այնքան աւելի ծանր է իր էութեամբ ու եղբրական հետեանքներով, որ անոր ծագման ու ծաւալման գործը, պրօցէսը, տեղի կ'ունենայ երկու անողոր, գրեթէ գիտական օրէնքներու զեկավարութեամբ:

Ա.—Պատւի, փառքի ու գիրքի սէրը կը բռնկի և կ'արծարծի հասարակական մարդուն կուրծքին տակ շատ անգամ անկասկածաբար անոր ներքին, ենթակայական տրամագրութիւններէն և կ'ուռճանայ ան, ընդհանրապէս, արտաքին պայմաններու ներգործութեամբ և նպատակաւորութեամբ:

Բ.—Պատւի, փառքի ու գիրքի սէրը, իբրև վտանգ բարոյական նւաճումներու ձգտող հաւաքականութեան մի ծոցին մէջ, փոխանցիկ է, տարափոխիկ, ինչպէս ո՛րէէ համաճարակ, այնքան որ, երբ անոր թոյնը կ'աթի անգամ մը գաղափարի ու անձնագոհութեան անունով ճամբայ ինկած նոյնիսկ ամենէն մաքուր ու բիւրեղացած հաւատացեալներու բանակին մէջ, չի բաւականանար անփառունակ հունձերով, այլ կը վարակէ ան տակաւ ամենքը, կը զգեստէ հեռզհեռէ ինչ որ կայ անսխալական ու հարազատ ու անկեղծ անոնց սրտին խորքը և չի յագեցնար մինչև լայնածաւալ չսփռէ բոլոր հոգիներուն վրայ տենչանքի, վայելքի, նախանձի ու կեղծիքի բովարտի շղարշը:

Այսպէս է բարոյական գաղափարական խմբակցութեանց համար մեծութիւնը պատւի, փառքի ու գիրքի ցանկութիւններու վտանգին: Ինչ ծնելով գրեթէ միշտ նոյնինքն ժողովուրդէն, հասարակութեան մէջքովը ու ուռճանալով միջավայրին, նոյնիսկ երբեմն զինակիցներուն ներգործական թէ կրաւորական մեղսակցութեամբը — կը տարածւի այնուհետեւ և յամառ ժանտախտին պէս ընկերէ ընկեր, խումբէ խումբ ու կը ծծէ, կը պարպէ ամբողջ ներքին կենսականութիւնը, ողնածո՛ւծը հաւաքական մարմնէն, որուն վերջնական փրկողութիւնը, անկումը, կը մնայ, անկէ ետքը, այլ ևս սոսկ ժամանակի խնդիր...

Սիմօն Զաւարեանը մեր մէջ այդ ահարկու և աններող չարիքին ոչ նւազ կատաղի և անագորոյն թշնամին եղաւ: Սիմօնը, այո՛, ի գին, յաճախ, անհնարին կնճիռներու և անձնական խորունկ տագնապններու խարազանեց ու խարազանեց, անդադուր և ամենուրեք անողորմ վտանգը, այդ ճշմարիտ սուրբ դամոկլեան, խարազանեց զայն իր խօսքին և օրինակին զօրութեամբը, մեր շարքերու ամենավարին, ամենահամեստ խաւերէն մինչև

ամենաբարձր զեկավար շրջանակներուն մէջ: Եւ որ ամենակարեւորն է, այն շարունակական կենսատու և մաքրագործող հովանաւորութիւն ընթացքին, զոր կատարեց Սիմօնը իր կեանքի ամբողջ տևողութեանը՝ մեր կուսակցութեան ծոցին մէջ, շնորհիւ իր անգնահատելի ազնւութեան երբեք չունեցաւ ի նկատի սխալողներու անձնաւորութիւնը և վարակողներու անհատականութիւնը, այլ ընդմիշտ մնաց համոզած քաջ, որ անկումին զոհերը չեն նոյնքան պատասխանատու և յանցաւոր իրենց մեղքին, որքան նոյնինքն բնոյթը այն գործին, որուն մէջ կապրին ու կը շարժին, և զրկանքները, որոնց դատապարտած են տոկալ — և հետեւաբար եղաւ ամեն առթիւ ներողամիտ դէպի անձերը, հանգարտ բարկութենէն յետոյ, հեզահամբոյր դատաստանէն անմիջապէս ետքը: Սիմօնը երբեք, իր այս ուղղութեամբ ջանքերը, չձգտեցաւ ընդարձակել արի ու բարի վիրաբոյժի մը իրաւասութեանց սահմաններէն անդին:

Ահա թէ ինչ տեսակետով գլխաւորաբար ըստ իսկ, մենք շա՛տ բան, գրեթէ անչափելի՝ բան կը պարտինք մեր ընտիր, ընտիր Սիմօնին:

Չէ՞ որ մենք շատ անգամ, կը յիշենք ինքնաբաւական գոհունակութեամբ, մեր առանձնական խոկմունքներուն կամ մտերիմ ընկերական շրջանակի խօսակցութեան ատեն, թէ մեր կազմակերպութիւնը թերևս ըլլալով միակ բացառութիւնը մեր և շրջակայ միջավայրերուն մէջ ապրող ու գործող նման կազմակերպութեանց շարքին, կարողացաւ մօտ բառորդ դար համեմատաբար լուազոյնս պահպանել անխախտ հաւաքականութեան հետապնդութիւնը անհատներուն վրայ և Սկզբունքներու բարերար ու արգասաւոր իշխանութիւնը հարկադրել հաւանական սայթաքումներու զառիթափէն մը մը իյնալու փորձառող մեր ընկերներուն:

Այդ իրողութիւնը ահա մենք կը պարտինք զգալի չափով անզուգական Սիմօնին:

Այդ պատճառաւ ալ, ամենագեղեցիկ պսակը, զոր մենք կրնանք դնել Զաւարեանի թարմ շիրիմին վրայ, չպիտի հիւսւած ըլլայ ոչ աշունի մանիշակներէ, ոչ փարնան անթառամներէն, և ոչ իսկ մեր արտասուքի կաթիլներէն — այլ մեր՝ իր ընկերներուն և աշակերտներուն ուխտովը՝ մնալու յաւէտ հաւատարիմ անոր երազներուն, անոր պարզութեան, ընկերսիրութեան և կարգապահութեան պողտատեայ սկզբունքներուն:

Բ. ՇԱՀՊԱՉ

նում գիւական պատրանք և լոյսին ակնդէտ հոգեվարք հիւանդի կրօնից ցաւագիտ անէծքը խլում:

Մ'ունջ, լայնածաւալ դաշտը նիրհում էր լուսաբացի իր խորունկ նիրհը. հարթավայրում, ձորերում գիւղերն էին հանգչում, որպէս երեսնիվար ընկած վիթխարիներ և լուռ անտառը լեռնալանջին սեւին էր տալիս, որպէս մի մութ երազ երկար գիշերի. եւ ճամբան անծայր ու քարքարոտ, որ կորչում էր խաւարի մէջ ու հեռուն, շատ հեռուն, թանձր ու ծանր սուեր՝ թուխս նստած էին գաղանթի վրայ:

Ահանջ էր դնում ճամբորդը... Ո՛չ մի ձայն. միայն վիրաւոր եղնիկն էր հեծեծում մօտակայ ձորում. մայր երկիրը թրթռում էր ոտների տակ ու սառը հովը խառնում էր մազերը, շշնջում ականջին հեռաւոր դաշտերի, ձորերի, կորած խրճիթների հին անվախճան հէփիւթը և ծաղիկներն օրօրում էին իրենց գլխիկները, քնքշօրէն համբուրում էին նրա տանջած գարշապարները իրենց թաց շրթունքներով:

Ճամբորդը պրպտեց հորիզոնը ու նրա յոգնած գլուխը անյուսօրէն կռացաւ աջ բազկին. նա խորհում էր իր կարմիր խոհերը, որոնց վրայ միշտ վառ էր պահել իր այս կախարդական ջահը, որի բոցն այժմ բամուռ ու ժեղ հեքի տակ նւագում էր, ցոլքերը խեղճանում էին ու մօտ էին հանգչելու:

Նա գլուխը բարձրացրեց, ջահին նայեց.

«Ջահ, իմ բոցո՛ւտ ընկեր, փայլ տուր, լուսաւորի՛ր այս ճամբան, չէ՞ այս գիշերն անվախճան չէ, չէ՞ արշալոյսը վերջապէս պիտ ծագի...» մրմնջում էր նա:

Հովը հեկեկաց ու քրքջաց հեռուն:

Ջահի բոցը թուլանում, կեկում էր, նրա ցոլքերը խեղդւում էին խաւարի մէջ: Ու ճամբորդի գլուխը նորից քաշ ընկաւ բազկին, ջահի բոցն այժմ լուսապսակ էր կազմում նրա ճակատի շուրջը ու ժպտուն պատկերներ, խոնրում թէւների պէս, պաշարեցին նրա տանջած երեւակայութիւնը. իր հին վճիռ երազն էր, բնքոյշ՝ որպէս մանկան առաջին ժպիտը, խնկաբոյր, որպէս կոյսի առաջին համբոյրը, որ համառաբած խաւարի մէջ մի յետին թափով փթեց նրա տառապած հոգում: Ահա արեւն էր բարձրանում ոսկեջող երկնքում, գարնանային պերճ արեւը ու նրա վառ ցոլքերի մէջ, որպէս ոսկե ծովում ալեծածան դաշտն էր ծփծփում: Գեղանի աղջիկները եղնիկների կայտառ երամով անցնում էին ցօղազարդ հովիտներով, աչքերի մէջ սէր ու կեանք, կրծքերը թրթռուն, հոգիների մէջ շող ու ցոլք ու նրանց երգը գալարուն ու քրքիջը խանդավառ՝ հնչում էին ձորերում կախարդիչ ելեէջերով: Հնձուրների հուժկու թիկունքները կռւում ու շտկում էին ջրուտ բազուկների թափի հետ, գերանդիները զրնգոցով բարձրանում, համբուրում էին արեւի ցոլքերի հետ, բեկբեկուն փայլ արձակում ու կրկին սուղում խոտ ու ծաղկի բուքաւեւ թանձրութեան մէջ: Հեռուն՝ հաս-

տավիզ եզն ու գոմէշը ամուլ-ամուլ քաշում էին գութանը, մաճկալը՝ դեմքը հողագոյն, աչքերն արեւով լի, լիւթը շնչում էր թարմ ափսի բոյրը, պտտանի հօտաղը, լծան վրայ նստած՝ հայրենի «հօրովէլի» վճիռ ու առնական հնչիւններն էր արձագանքում ու մայր երկիրը իր յուռթի կողերն էր բաց անում քրտինքն ու սերմն ընդունելու համար: Հօտերը հանդարտ բարձրանում էին լեռն ի վեր, ինչպէս ոսկեգօծ մշուշը վաղորդեան, և հովաւան սրինգի հնչիւնները ծաղիկները համբուրելով՝ գնում էին լեռնակատարների ջինջ հովերի հետ համբուրելու: Ու ողջ դաշտավայրը իր խինդ ու ժպտով, իր խոտ ու ծաղկով, արտ ու արօտով, հօտ ու հօտաղով, մի վիթխարի օրհներգ էր, որ թրթռում էր արեւի տակ վաստակի, արդարութեան ու ազատութեան լուսաշող աստծուն:

Եւ հեռուն, գիւղն էր, ճերմակ, ժպտուն տնակները ծառ ու ծաղկի մէջ կորած, ուր յարկերի տակ արցունքն էր չորացել, երջանկութեան ու խնդութեան ժպիտն էր փթում: Մանուկները խոնրում ու կանչ-ւռտոցով շտապում էին դէպի դպրոց, ծերուկ պապը ջրում էր ծաղիկները, հարսն ու աղջիկ գործում էին ու երգում, մայրը վաստակաւորների սեղանն էր պատրաստում:

Աշխատանքի իրաւունքն ու պաշտամունքն էր թագաւորում ամեն կողմ, թշւառ, հիւժւած վաստակաւորը վերջապէս շակել էր իր թիկունքը, պորտաբոյծ ու լկտի գիշատիչների, իր արիւն-քրտինքի ծնողների լուծն էր փշրել և այժմ լեռները թնդում էին նրա մուրճերի յաղթ հարւածներից, մայր երկիրը բաց էր անում նրա առաջ իր բեղուն ծոցը, նրա ճիգերը պսակելու, նրա կեանքը դրախտի վերածելու համար:

Կախարդիչ, ցնորական երազ, իր կեանքի մեծ երազը, որի յետեւից վազեց նա ողջ կեանքում, որպէս մանուկը խալաթաղէտ թիթեռի յետեւից. գիւթական արշալոյս դէպի որը սլացաւ նրա հոգին, որպէս գաւնուկը դէպի իր մօր ստինքները:

Եղնիկը տնքաց վերստին, երկար ու ցաւագին ու ճամբորդը գլուխը բարձրացրեց, նայեց արեւելք, ուր այդ արշալոյսը պիտի ծագէր. ի զո՛ւր, հեռուն դարձեալ խաւար էր, իսկ իր ջահը պլպլում էր աւելի թոյլ աւելի նւազ. նրա դալուկ բոցը թարթում էր օրհասական ճիգով ու մօտ էր հանգչելու:

«Թի՛թէ չես հասցնի ինձ արշալոյսին, ո՛վ իմ աստանդական կեանքի լուսաշող ընկեր...»

Ու հովը շշնջաց.

«Չի հասցնի, չի, չի, չի...»

Ճամբորդի ծունկերը դողդողում, թուլանում էին, հեքը դառնում էր ընդհատ ու խռճապոտ, ու նա զգում էր, ինչպէս իր կենսական յետին զօրութիւնը կամացուկ հաւաքւում է կրծքի տակ, թրպրտում, պատրաստւում է խոյս տալ, որպէս թռչունը, որ լքում է իր մաշած ու

աւեր բունը: Ու յետին անգամ թրթռաց ջահը հոգե-
վարքով, ու յետին անգամ քահակիրը նայեց հեռուն,
ուր թանձր էր խաւարը, ապա կամացուկ ծնկները ծալ-
ւեցին սառը, խոնաւ հողի վրայ:

«Լսիր, մայր երկիր, մրմնաց նա, քո բարի, քո բե-
ղուն կրծքից ծնունդ առայ ես մի օր, որպէս քո թախ-
ծոտ, յաւիտենական ժպտի մի ցոլքը մոլորւած. քո կա-
րեկից ու վճիտ հոգին իմ փխրուն մարմնի մէջ գրիր և
քո յուռթի, շքեղ ստինքներից արդարութեան, ազա-
տութեան ու ճշմարտութեան կաթը ջամբեցիր ինձ: Բո-
ւարդանդում եռացող կրակի մրկի մէջ սիրտս մխեցիր
ու ախեզրական ցաւի անդունդը բաց արիր իմ երազուն
աչքերի առաջ. քո նւիրական քրտինքի գաղջ ամպերի
մէջ իմ մանուկ էութիւնը թրթռաց, ինչպէս նորածինը
խանձարուրի մէջ: Դու կամեցար, մայր, որ բիւրա-
ւոր խեղճերի, անձարների, հալածական թշուա-
ների բռնը ծանրանայ իմ ցաւատանջ թիկունքին ու
նրանց հառաչանքի ու բողոքի արձագանքներով աշ-
խարհի անիրաւութեան երկաթ դռները բաղխեմ ար-
դարութեան անունով:

«Եւ ես այնպէս ապրեցի, վկայ է այս ջահը, որ դու
գրիր իմ ձեռքը, որպէս դու կամեցար մայր. երկրէ
երկիր անցայ, ուր համատարած ու անողորմ իշխում էր
Ձարիքը, ուր իրաւունքն էր ցեխերի մէջ տրորւած, ար-
դարութիւնը՝ հալածական խեղճութիւնը հզօրների ժա-
նիքների տակ արիւնլալ: Գրտնաթոր աշխատանքը տե-
սայ թիկունքը վիթխարի բռնի տակ կռացած և կատաղի
քաղցը վիշապի պէս սրունքներին գալարւած:

Եւ ո՛չ մի թշուառի հեծեծանք իզուր չ'եկաւ իմ հո-
գին խռովելու և ո՛չ մի խրճիթի դուռ, որի յետևում
անյոյս ցաւն էր մոնչում, իմ առջև փակ չմնաց:

Խաւար ու ցուրտ յարկերի տակ ես սիրտս վառեցի,
որպէս լուսաւոր ջահ և հոգուս կրակը ցանցի խեղ-
ճերի դողդոջուն մարմինները ջերմացնելու համար:
Իմ խօսքը հալած երկաթի կաթիլներով տրտում ու
այրի հոգիների մէջ ընկաւ, ես արդար ցատումի հրդեհը
վառեցի այնտեղ, ուր սառնամանիքն էր իշխում: Գաժան,
նզոված խիղճերի մէջ հայեացքիս սառը պողպատը
մխցի և ժպտուն կեղծիքի և լպիրշ նենգութեան դի-
մակները շորթեցի նրանց բիւրաւոր զոհերի առաջ: Վաս-
տակաբեկ ու քաղցած աշխատաւորի կռացած թիկունքը
շտկեցի և նրա հնազանդ հայեացքի մէջ աստուածային
կայծը գրեցի:

«Ազատութեան ու արդարութեան արշալոյսին ես
ընդ առաջ գնացի այս ջահը վառած և եղունգներովս
առապարիւնների քարերը չանգութի իրաւունքի ճամբան
հարթելու համար. թունոտ իժերն իմ կրունկները լի-
զեցին և ցուրտն ու մրրիկը այս տառապած ձակաւոր
ծեծեցին:

«Եւ այժմ ուժասպառ՝ ահա ծունկի եմ քո առաջ
մայր երկիր, որովհետեւ այս ջահը, ուր քո տւած բոցն է

վառւում, այլ ես անզօր է ինձ առաջնորդելու այս խա-
ւարի ճամբաներով և գիշերը վերջ չունի և արշալոյսը
հեռու է դեռ: Տե՛ս ես յոգնած եմ, մայր, յոգնած եմ,
որպէս իմ ջահը կախարդական, որ ահա հագիւ-
պլպլում է ու մօտ է հանգչելու: Ա՛ն ինձ ծոցդ, մայր
ու հանգիստ տուր, տես, ես շատ եմ յոգնած և բո-
զաւակն եմ, մայր»:

Եղնիկը վերջին անգամ տնքաց ու լռեց... Հովը խառ-
նեց ծաղիկները, որոնք մեղմ շշուկով կրկնեցին. երկրին
յոգնած ճամբորդի աղբսը և երկիրը թրթռաց, լուռ
ու խոհուն:

«Տես, մայր իմ, ահա ծունկի եմ քո առաջ և ջահս
հոգեվարք՝ ձեռքիս մէջ է դողդողում և կեանքս քամ-
ւեց, քամւեց, կրծքիս տակ ծւարեց հագիւ թրթռում է,
ինչպէս և ջահս. անզօր եմ ես և յոգնած, բաց գիրկդ,
մայր և տուր ինձ հանգիստ, թող որ հանգչեմ, հանգ-
չեմ, հանգչեմ...»

Եւ ծաղիկները խշրտացին, սգաւոր բոյրերի պէս
գլուխները կախեցին, բուրաւէտ ցօղը ցանցին նրա
խոշտանգւած ոտներին ու լացեցին իրենց խորունկ ար-
ցունքները հովը բրբջաց անմտօրէն, ապա թափանցեց
այրերը ու նրա անմիտ բրբջը սրտապատառ ու խելա-
յեղ ողբ դարձաւ, որից լեռները դողդացին. հոգեվարք
ջահը յոնկարծ բռնկեց մի գերեզմանային փայլով, նրա
շողերի մէջ լեռ ու գաշա դողդողացին մի վայրկեան,
ապա ճամբորդի ձեռքից վայր ընկաւ ջահը ու մարեց,
մայր երկիրը տնքաց երկար ու ցաւագին, բացեց իր
գլխոտ ծոցը ու ներս առաւ իր յոգնած, ասնջւած աս-
տանդական զաւակին:

Արշալոյսը հեռու չէր.

Լուսաբացին հովիւները հեռաւոր լեռնալանջի ծա-
ղիկների մէջ ընկած մի անօրինակ ցուպ գտան երկաթէ
և նրա ծայրին մի այրւած սիրտ, որ դեռ մխում էր
մխում էր...

Տ Ա Ր Ա Գ Ի Ր

ԽԱՐԱԶԱՆՈՂ ՄԱՐԳԱՐԷՆ

Մայրը սրբում էր աչքերի արցունքները, որպէս զի
նորէն ու նորէն տեսնէ հեռում անհետացող կառքը,
որ տանում էր իր միակ ուրախութիւնը, իր կեանքը,
իր անդրանիկ-զաւակը:

Գնում էր նա դէպի հեռու հիւանդ, գնում էր սովո-
րելու: Մնաս բարեկին՝ մայրիկը հագիւ հազ պահւում էր
ողբերի վրայ, հագիւ հազ զսպում էր իր յուզմունքը:
2էր ուզում նա վերջին վայրկեանին տխրեցնել, վիրա-
ւորել մեկնող զաւակի զգայուն սիրտը:

Բայց երբ մենակ մնաց, ազատ թափ հաղորդեց
յորդ զգացումներին և արտասուքը, ջերմ ու խոշոր
կաթիլներով սկսեց գլորել նրա տակաւին երիտասարդ

թշերի վրայ Այնքան այլազան մաքեր էին թափառում գլխի մէջ և նրա մայրական իմաստուն սիրտը մատնում էր ինչ որ զարհուրելի մի նախազգացում։ Նա բաբախում էր սաստկութեամբ, արիւննում էր և նվզում յուսահատօրէն։

Տրոփում էր և մեկնող պատանու սիրտը։ Նրա մէջ ևս պայթարում էին այլազան, հակասական մաքեր, մերթ պայծառ ու ժպտուն, մերթ մռայլ, ահաւոր։ Մի բան սեղմում էր կոկորդը, զարնում էր գլխին և արցունք էր առաջացնում։ Նա դեռ զգում էր իր կրծքի վրայ լղարիկ կնոջ գլուխը, որ ինչ որ բան էր փսփսում մնաս բարեին և աղօթում էր նրա համար Աստուծուն։

Արցունքոտ աչքերով գիտում էր նա բնութեան իրարու յաջորդող տեսարանները։ Աստուծային աշխարհի գեղեցկութիւնը կամաց-կամաց դիւթում էր նրան։ Եւ նա հետզհետեւ դուրս էր մղում իր յիշողութիւնից սիրող մօր պատկերը, ընտանեկան օձախը և այն բոլորը, ինչով ապրել էր նա մինչ այն և նրա քնքոյշ սիրտը լցում էր ազնիւ տենչերով ու երազներով։

Կռքը մօտեցաւ այն տեղին, ուր միանում է Կուր գետը Արագածայի հետ։

Ջինջ, արծաթափայլ Արագածն, յաւիտենօրէն ժրպտուն, կայտառ, աղմկայող, խօլ կատաղութեամբ մխում էր ջրառատ, մռայլ ու դաժան Կուրի ալիքները և կարծես հեգնելով ծանապարհ էր բաց անում այդ մութ քաօսի մէջ — յստակ, լուսեղէն ծանապարհ։

«Լոյսի սկզբունքը կուլ գնաց խաւարին» — մտածեց երիտասարդ ուղևորը։ Մի մութ անհասկացութիւն պատեց նրան, մի բան, որ գուշակում էր հիասթափութիւն և կորուստ։ Լոյսի ու հոգեկան բերկրանքների սիրտը կսկծաց։ «Մի՞թէ այսպէս պիտի լինի և իմ կեանքի մէջ։ Մի՞թէ ես էլ պիտի կորչիմ, պիտի լուծւիմ մարդկային ընդհանուր կեանքի աղմի հետ»։

Մտքերը պաշարեցին նրան, ախրեց և գլուխը քաշ գցեց։

Հուսով սակայն նորէն սթափւեց։ Ընթացաւ, մօլեգնառ ոգին արծարծում էր նրա մէջ պայթարի, կուլի ծարաւ։ «Ո՛հ, չեմ գիշի ես կեանքի գրոհի առջև, չեմ թող տալ, որ մռայլ, տղմոտ ալիքները խեղդեն ինձ. ես դեռ կը կուեմ նրանց դէմ»...

Եւ թուի ու բարի աչքերը պսպղացին հրեղէն փայլով և նորէն այդ աչքերը ուրախ էին, յուսավառ։

Կեանքը եռում էր Մօսկւայում։ Պետրոսեան Գիւղա-անտեսական ճեմարանը մասնաւորապէս յայտնի էր այն ժամանակ, որպէս բոյն գաղափարական ու ռազմատենչ երիտասարդութեան։ Բոլոր շրջաններում, համալսարանական բոլոր ժողովների մէջ կը տեսնէինք կարծահասակ, նիհար, հարաւային բնակչի տեսքով մի ուսանող, կոշտ ու արագ շարժումներով. աչքերը սև, մեղմ ու

բարի, փայլում էին աստղերի պէս, երբ դէմքը փոթորկւում էր տաք, կրակոտ ճառերով։

Հայկական լեռների այդ հարազատ զաւակը այն ժամանակ զգում էր ինքզինքը, որպէս կօսմօպօլիտ, համաշխարհաքաղաքացի և մերժում էր ազգայնութիւնը։

Այդ եռուն արհեստանոցի մէջ, ուր կերպարանում էին զւարթ ու աղմկասէր երիտասարդութեան մաքերն ու զգացումները՝ զատեց ուսանողների մի փոքրիկ խումբ։ Նրանք լուռ էին և մատնկոտ։ Նրանց աչքերը յառած էին դէպի հեռու հայրենիքը. նրանց սիրտը բաբախում ու ցաւում էր հարազատ ժողովրդի համար, նրանց ուղեղը յարեւ միշտ միջոցներ էր հնարում՝ ազատելու այդ ժողովուրդը թիւրք բարբարոս բռնակալութիւնից։

Մօտեցան նրանք երիտասարդ կօսմօպօլիտին, արթնացին նրա մէջ հայկական ոգին և վառեցին նրա սրտում աստուծային կայծը։

Այդ կայծը բոցավառւելով, հրդեհեց նրա ամբողջ էութիւնը, ստիպեց ձգել ամեն բան, ընտանիք, կարիէր, երջանկութիւն, արծարծեց նրա մէջ սէր միայն — սէր դէպի մարդը ընդհանրապէս և սէր դէպի հարազատ ցեղը, իբրեւ ամենագոյնիստ բեկորը բազմաշարժար մարդկութեան։

Մի անսահման, ջինջ, գրեթէ մայրական սէր դէպի հայ ժողովուրդը... Ահա մի տիրական զգացում, որ լցնում էր այդ սքանչելի երիտասարդների ողջ էութիւնը, հեռու պահելով նրանց այլանդակ նախապաշարունակներից և դնելով առողջ ու ամուր խորհիւնները հայկական վերածնութեան, առողջ ու անսասան հիմքերը՝ որոնց վրայ պիտի բարձրանար յետագայում Հ. Յ. Վաչնակցութեան փառաւոր շէնքը։

Եւ այդ համեստ, հեզ, ամօթխած երիտասարդները իրենց յամառ, սիստեմատիկ աշխատանքով դուրս բերին հայ ցեղը ստրկութեան անդունդներից և պատուաւոր տեղ տւին նրան առաջաւոր Ասիայի ժողովուրդների շարքում։

Կարնանային պայծառ Արեւ ողողում էր սար ու ձորեր, տաք, կենսարար ճառագայթներով։ Բնութիւնը վերարթնանում էր, ծաղիկները տարածում էին ամենուրեք իրենց անոյշ բուրմունքը, ամեն ինչ կեանք էր շնչում և սէր ու բերկրութիւն։

Նրանք իրար հանդիպեցին։ Երիտասարդը դեռ նոր էր ոտք դրել ուրոյն կեանքի ճամբու վրայ, բայց արդէն իսկ ծանօթ էր հասարակութեան իր տաք, խանդավառ, գաղափարական պատկերով։ Երիտասարդութիւնը ունկնդրում էր նրան, բոցավառում նրա ջերմ խօսքով և բազմաթիւ կանացի սրտեր տրոփում էին նրա կրակոտ ու բարեսիրտ նայածքի հանդէպ։ Բայց նա չէր նկատում այդ. նրա աչքերը շատ հեռուն էին նայում։

Ահա սակայն ցցւեց առջևը՝ նրա անունով ու պատ-

րեովկ հրապուրած մանկատիպ «հերոսուհին», եկաւ խռովելու նրա իդէալիստ, գաղափարական պաշտամունքներով տարած սիրտը. «Ես Ձեզ սիրում եմ» — ասաց ուղղակի երիտասարդ քարոզչին: Անակնկալ և համարձակ այդ յայտարարութիւնը ցնցեց վերջինին, խոնարհեցրեց և արորեց նրա ուժեղ կամքը: Առիժը դարձաւ գառնուկ: Սիրոյ զգացումը բռնկեց նրա սրտի մէջ, աւելի ևս շնչաւորեց ու վառեց նրան, աւելի ևս զարկ տւեց գաղափարական նրա թռիչքներին: Կեանքը այնուհետեւ մի սքանչելի մեղեդի էր նրա համար, գործում էր նա երգելով, աշխարհը թւում էր այնքան չքնաղ, լի յոյսերով ու երազներով:

Ժամանակը առաջ սահեց...

«Ես Ձեզ այլ ևս չեմ սիրում» — ասաց մի անգամ երիտասարդին իր սիրած ու գուրգուրած էակը, նոյնքան համարձակ ու կտրուկ, որքան առաջին անգամ, երբ իր սէրն էր խոստովանում... Ո՞վ կարող է բացատրել երիտասարդ սրտի բմահաճոյքները...

Նորէն ցնցւեց գաղափարի մարդը, աշխարհը վերստին խաւարեց նրա առջև, խորունկ աչքերը վայրկենաբար փայլատակեցին մռայլ չարութեամբ, ապա կրկին մարեցին: Պաշտ, սրտածաք գիշերը համակեց նրա ամբողջ երկունքը, կեանքն իսպառ կորցրեց նրա աչքում իր համն ու արժէքը, նա այլ ևս խորտակւած գոյութիւն էր, մի աւերակ...

Շուտով, սակայն, սթափւեց: Սահմանի միւս կողմից տանջող ժողովրդի հեծեռները միշտ աւելի աղէկտուր ու սրտաճմլիկ՝ հասնում էին նրա ականջին: Հնարաւոր էր միթէ չտալ արձագանք: Այդ ժողովրդի բարօրութեան համար չէ՞ր, որ նա որոշել էր զոհաբերել իր կարիէին ու կեանքը...

Իւ սիրոյ նահատակը վերստին շտկեց իրանը, խոր թաղեց իր վերքը, յաղթահարեց ու վերագարձաւ նորէն — կեանքին:

Բայց այդ կեանքը այնուհետեւ այլ ևս չտեսաւ ուրախութիւն: Նա եղաւ ծայրէ-ծայր մի անհասնում, առապանք, մի անդուլ անձնազոհութիւն ու նահատակութիւն...

Երիտասարդ դաշնակցականները ցրւեցին, մտան ժողովրդի մէջ: Իւ սկսեց ծռուել աշխատանքը: Ուժեղ ու յանդուգն սլացք տւին իրենց հոգեկան ուժերին, գնացին խորտակելու հարազատ ժողովրդին կաշկանդող շղթաները: Եւ մարդկային ծովը ալեկոծեց: Դուրս լողացին նրա յատակից հարիւրաւոր ու հազարաւոր կորիճներ, երիտասարդ, սրտոտ, խանդավառ: Վսեմ ու եզակի մի երեւոյթ էր Ի՛նչ ահաւելի չարչարանքներ, ո՞րպիսի անլուր, գերմարդկային աշխատանք ու տառապանք: Ընկնում էին հարիւրներով այդ շքեղ հերոսները, սուղթանական անողորմ մանգաղը հնձում էր ու

հնձում անդադար, հայ մայրերը լալիս էին յուսահատ իրենց սիրած զաւակների վրայ, բայց նրանք անայլալ առաջ էին նետւում տատասկոտ ու արիւնոտ ծանապարհով, գնում էին զոհելու... «Ազատութիւն կամ մահ» — այդ կոչը որոտընդոստ արձագանքներով տարածւում էր հայկական լեռների մէջ: Տարերային մի յորձանք էր, անդիմադրելի մի մղում: Ղէպի ահաւոր արկածներ, նահատակութիւն և մահ... Թափւած արիւնը ծնունդ էր տալիս նոր ու նոր անձնազոհ կորիճների, հերոսների:

Մարած հրաբուխը վերարթնանում էր: Եւ փոքրածիւ պարագլուխները, որ հոգին էին այդ չքնաղ վերածնութեան, քաջալերւում էին ու միշտ աւելի սաստկացնում իրենց թափը: Սուերի մէջ էին մնում նրանք, բայց յայտնի էին ամենքին, նրանց անունով երգւում էր գաղափարական ու մարտնչող երիտասարդութիւնը: Համեստութիւն և ազնւութիւն՝ դարձել էին նրանց մէջ պաշտամունք: Ապրում էին նրանք նիւթական կարօտութեան մէջ, թէպէտ և նրանց առջև բաց էին հարստութեան ծածրաները: Միշտ զինւորական իրենց դիրքերում, միշտ պարաբի դաշտի վրայ, յաճախ լքւած իրենց հայրենակիցներից ու բարեկամներից՝ նրանք անվճատ դիմում էին դէպի Նպատակը:

Մէկը առանձնապէս աչքի էր ընկնում այդ փոքրածիւ առաջնորդների մէջ իր անհաշտ թշնամութեամբ դէպի կեղծը, Անազնիւը, Անմաքուրը, Բարակ, Նիհար, խորունկ ու խոշոր աչքերով, փոքր ինչ կոշտ շարժածքներով ու ժեստերով և միշտ բարձրատուն, տաք ու տաքացնող ճառերով՝ նա յիշեցնում էր անապատից եկած ծգնաւորի, հինաւուրց մարգարէի, որ գնում էր դէպի մարդիկ՝ խարաղանելու նրանց բարոյական արտանքը և ամեն տեսակ ապօրինութիւն ու անարդարութիւն:

Օսմանեան սահմանադրութեան առաջին շրջանում էր, մարդիկ դեռ հաւատում էին նրա ամբողջութեան ու ճշմարտութեան:

Նա եկաւ Մուշ: Գրեթէ յաղթական մի ընթացք էր: Բայց ոչ այն աղմկալի գիւժարութիւններից՝ որ սնափառ հասարակութիւնը սովորաբար սարքում է իր սնափառ հերոսների համար: Դա մի համեստ, բայց անկեղծ տօնախմբութիւն էր, որ սարքում էր պարզ, աշխատաւոր ժողովուրդը: Մուշից և շրջակայ գիւղերից երիտասարդութիւնը շտապում էր տեսնել Նուրան, սեղմել համուրել նրա ձեռքը: Չէ՞ որ նա նրանց համար զեկավար էր այն երկարատեւ ու արիւնոտ կռւի մէջ, որ նոր էր վերջացել: Նա հեռաւոր ու խորհրդաւոր հիւրն էր, որի մասին շատ էին լսել, բայց դեռ երբեք չէին տեսել:

Խուժը-խուժը գալիս էին նրա մօտ և կուռղ ընկերները, նրանք, որոնք մի ժամանակ զողացրել էին Սասնոյ լեռների մէջ անգամ համարեան զինւորներին, իսկ այժմ

Հանել էին իրենց առիւծի մորթիները և համեստօրէն լծել գիւղական աշխատանքի մէջ: Նրանք արդէն ճանաչում էին նորեկին, ճանաչում էին նամակներով, գաղտնի, ծածկագիր կամ այլաբանօրէն գրած նամակներով, որ ընկել էին իրենց ձեռքը հեռաւոր վայրերից, հազար ու մի փորձութիւնների միջից անցնելով: Բայց նրանք էլ դեռ չէին տեսել իրենց մտաւոր առաջնորդին և ահա գալիս էին դիմաւորելու, ուրախ, անհամբեր, իրենց գեղջկական ցնցոտիներով: Ցեսնում էի արցունքներ նրանց դաժան աչքերի մէջ...

Նա հաստատեց Մուշի մէջ: Նա այժմ արդէն զուտ կրթական ծրագիրներ ուներ. կուզէր բարձրացնել հայ ժողովրդի մտաւոր ու հոգեկան զարգացման մակերեսը:

Վարձեց մի անշուք տնակ, երկու փոքրիկ սենեակներից, որոնց յատակը հող էր և ունէին մի մի փոքրիկ լուսամուտ, զանազան ճեղքածներով: Նահապետական մի վառարան, որ չէր տաքացնում սենեակները: Կոշտ ու կոպիտ փայտէ կարասիներ, որ իր պատուերով շինել էին մշեցի վարպետները:

Չմեռը ցուրտ էր սենեակներում: Զուրը սառչում էր գիշերը: Բայց նա չէր բնաւ տրտնջում: Նա տաքացնում էր իրեն այցելու բազմութիւնը իր ջերմ, սիրալիկ խօսքերով և լայն հիւրասիրութեամբ: Հարուստները, ազդեցիկները չէին գնում նրա մօտ, այլ միայն խեղճ ու կորած մարդիկ, որոնց արտաքինը կեղտոտ էր, բայց հոգին պարզ ու մաքուր: Բոլորի համար նա խորհրդաւոր էր և իր ջնջին վաստակի մեծագոյն մասը բաժանում էր չքաւորներին:

Բայց ահա ամպերը սկսեցին խտանալ իր շուրջը: Մութ, կասկածելի մարդիկ, վաշխառուներ, որոնք յեղափոխական շարժման ընթացքում, օգտւելով կուսակութեան անուանից, ծծել էին ժողովրդի կենսական հիւթերը, յետագայում բռնաւորներ ու կուսակցական զենքը թագնողներ, ամեն տեսակ կեղեքիչներ ու հարստահարիչներ, լրտես ու դաւաճաններ, վերջապէս խաբարայ ու տղրուկ վանականներ — բոլորը յուզեցին, իրարու անցան: Նորեկը հանգիստ չէր տալիս նրանց: Անողորմ ամեն տեսակ լրբութեան ու աղտոտութեան հանդէպ՝ նա հրապարակով խարանում էր նրանց հեղինակներին, պահանջում էր բացատրութիւն նողկալի արարքների համար, պահանջում էր հաշիւ ծախսած դրամների, պահանջում էր արտաքսել նրանց բոլոր ասպարէզներից, ուր կարող էին վնասակար լինել իրենց անարգ, հակա-ժողովրդական գործունէութեամբ:

Շատ բան աջողում էր նա: Թւում էր թէ արդէն մօտ էր յաղթութեան ժամը: Բոլոր զրկածները, որք ու այրիները հաւատում ու վստահում էին նրան և սպասում էին նրանից իրենց վիճակի թելեւարդում:

Սակայն մութ ուժերն ևս չէին ննջում: Նրանք ալեկոծեցին ու համախմբեցան: Նրանք ի գործ դրին ամեն միջոց խարազանող մարգարէի դէմ — դաւ, գրգռում,

սուտ ու անարգ զրպարտութիւն: Նրանք հիւսեցին մի հագին սարգոստայն, ցանցով պատեցին նրա գործունէութեան ամբողջ դաշտը, ձգտեցին պատնէշ դնել նրա ամեն մի ձեռնարկի առաջ և ճարպիկ, հմուտ դաւերով խափանեցին նրա բոլոր հանրօգուտ փորձերը: Իրենց աղտոտ թաթերով բրբրեցին անգամ նրա մասնաւոր կեանքը: Եւ այդպիսով նրանք անհնարին, անհանդուրժելի դարձրին նրա աշխատանքը Մուշի մէջ:

Եւ նա ի վերջոյ տեղի տեց: Սեւ ուժերի բանակը խորտակեց նրան: Թողեց նա Մուշը, լի դժուրեւամբ, ծանր խոհերով, թողեց մտածելով, որ ժողովուրդը աւելի դժարութեամբ կ'ազատագրւի իր համարիւն կեղեքիչներից, քան թէ արտաքին թշնամուց:

Ժողովրդի թշնամիները յաղթանակեցին, կացութեան տէրերն էին նրանք: Բայց անխնայ աշխատաւորի ձգած սերմը անպտուղ չ'անցաւ: Նա աւելի իր բողբոջները ժողովուրդը սթափեց: Նա հասկացաւ, թէ ո՞վ էր և ինչ էր այն մարդը, որին նա կորցրեց: Եւ խուլ դժգոհութիւնը ծայր է տալիս արդէն հարստահարած հայ աշխատաւորութեան մէջ, ընդդէմ իր ցեղակից թշուառականների: Դժգոհութիւնը շուտով կը վերածուի ըմբոստացման ու պայքարի:

Խիստ դժւարին է այդ պայքարը, բայց նրա ալիքը աճում է հետզհետէ և լիայոյս ենք, որ մաքրութեան ու շիտակութեան առաքելի նետած գաղափարը կը ձգէ խոր արմատներ և ժամանակով կը յաղթի:

Նա նորէն Պօլիս է. այդ թշուառ ու եղկելի աղբանոցում:

Կուշտ, պահանջողական «հազգայինների» հոգաբարձութիւնը մեծ դժկամակութեամբ տեղ աւելցնում էր դպրոցի մէջ: 22^օ որ նա յեղափոխական էր, դաշնակցական էր: Կարելի է միթէ այդպիսի մարդուն տեղ տալ ազգային դպրոցներում:

Նշանակում են մուրացկանի ռոճիկ: Ապրում է նա այդ գրօշներով, փնտրում է բնականաբար աժան ու վատ ճաշարաններ, իսկ հագուստը՝ միշտ հնամաշ ու պատռտած:

Նա մնում էր սակայն նոյն անվկանդ գործիչը, անասան իր շիտակութեան ու վեհանմունքեան մէջ և շարունակում էր ղեկավարել մտքերը: Ցաք վիճաբանութիւններ, լուսաւոր, բարձրութիւն երազներ — ահա այն մթնոլորտը, որ նա մտքեց իր դասարանի մէջ և որով սնոււմ, ապրում էր: Անմիջական մասնակցութիւն ունէր հայկական կեանքի բոլոր առաջադիմական երևոյթների մէջ, առանց նրան գրեթէ ոչինչ չէր յղացում:

Անհանգիստ, եռուն բնութիւնը թոյլ չէր տալիս նրան հանգստանալ: Աշխատում էր նա մինչև ուժաս-

պառուս, յոգնում էի, այնքան յաճախ՝ որ օրւայ մէջ մի քանի անգամ պառկում էր ուժերը վերականգնելու համար: Յաճախ էր հիւանդանում, բայց գլուխը չարունակում էր աշխատել — միշտ պայծառ ու լուսաւոր: Ըի ինքնատիպ գաղափարներով ու յղացումներով, միշտ գեղեցիկ և ճշմարիտ:

Պարզ էր, որ մարմինը մաշւում էր, ֆիզիկական ուժերը սպառւում էին: Սակայն նա ինքը չէր խոստովանում այդ և շարունակ ձգում էր արդէն խիստ ձգւած լարը: Եւ նա ահա կարեց... Կտրեց յանկարծ, շանթահարելով բոլորովին, կարեց այն ժամին, երբ նա այնքան պէտք էր իր ժողովրդին, որի ճակատագիրը վճռւում էր, որին բախտը ժպտում էր, գուցէ առաջին անգամը հարկւրաւոր տարիների սոսկալի նահատակութիւնից յետոյ:

Պոկւեց այդ կեանքը անողորմ ձեռքով, ինչպէս պոկւում են ծաղիկները, որոնց նա այնքան սիրում էր իր քնքոյշ, կանացի սրտով:

Բայց — թառամածը չես կենդանացնի, գնացողը էլ չի վերադառնար: Մնում է մի բաց, որ կը լցւի ժամանակով և վերքը կը կազդուրւի:

Իսկ դու, հայ ժողովուրդ, պիտի յիշե՞ս արդեօք այդ մարդուն, որի ամբողջ կեանքը մի մարմնացած սէր էր դէպի բեզ, ջերմ, քնքոյշ սէր, որ չգիտէր ոչ մի սփոփանք: Նա աւելի ջինջ էր, աւելի անուշահամ, քան պատանիի սէրը դէպի կոյսը: Նա աւելի լեցուն ու անյատակ էր, քան մօր սէրը դէպի իր մանկիկը:

Այդ կեանքը ծայրէծայր մարտիրոսութիւն էր — յանուն բոլորանկութեան, հայ ժողովուրդի: Քեզ համար նա մոռացել էր ամեն բան այս աշխարհում, մոռացել էր նոյնիսկ ինքն իրեն: Դու, բոլոր ապագան նրա կեանքի միակ նպատակն էիք և նրա միակ ուրախութիւնը: Լալիս էր նա և երազում բոլոր թղթաւած, կիսակենդան մարմնի վրայ: Երազում էր և ձգտում կոնքեզ համար աւելի երջանիկ ապագայ:

Պիտի յիշե՞ս նրան, հայ ժողովուրդ, — չգիտեմ Մարդկութիւնը այնքա՞ն մոռացկոտ է: Բայց նրա համար — միւսնոյն է: Նա չէր տանում պերճանք ու երախտագիտութեան ցոյցեր՝ իր կեանքի ընթացքում: Դրանք բնու պէտք չեն նրան — և այժմ, մահից յետոյ:

Բացւած գերեզմանը կը լցւի: Կը մարէ շրջապատի ժխորը, կը լռեն թաղման որոտուն ճառերը, որոնց համար այնքան շռալ են մարդիկ: Կը սրբւին վերջին արցունքները և բոլորը կերթան գերեզմանոցից: Կը մնայ նա մենւնական — նրա ցուրտ մարմինը — գերեզմանային հանդիսաւոր լուծեան մէջ:

Մենւնական... Մայր-Բնութիւնը կը գրկէ նրան, կընդունէ իր հզօր կուրծքի վրայ այդ յոգնած, պաշտելի գլուխը: Կը սփռէ նրա շուրջը իր այլազան գեղեցիկութիւնները: Կեանքը՝ զւարթ ու փարթամ՝ կը ծաւալւի նւիրական դամբարանի մօտ, Արեւը կը ճառագայթէ կենդան

նարար իր լոյսը, ծաղիկները կը փռւին ու կը գուրգուրան իրենց թանկագին սիրեցեալին... Եւ սիրոյ, ջերմութեան ու լոյսի այդ գերագոյն ներգաշնակութեան մէջ՝ կը հանգչի նրա ոգին, որ նոյնքան ջերմ, պայծառ, լուսատու է և նոյնքան յաւերժական:

Սիրոյ սերմը կեանք տւեց նրան: Եւ նրա կեանքը լուսաւոր ամպի նման սփռեց ահագին տարածութիւնների վրայ, ցանելով ամենուրեք սերմեր մարդասիրութեան ու այլասիրութեան: Այն գոհարները, որոնցով բնութիւնը առատօրէն օժտել էր նրան — բոլորն էլ նա վերադարձրեց իր ժողովրդին: Ինքը մնաց առանց ոչնչի: Հոգին, իր վերջին գոյքը, աւանդեց նա Տիեզերքին:

Այնտեղ, Բնութեան ծոցում, չկայ այլ ևս լաց, արցունք, ատամների կրճտոց: Այնտեղ վերջապէս կը հանգրստանա դու, սիրելի ընկեր...

Քե՛զ եմ՝ դիմում, սրանչելի՛ մանկիկ, որ աշնան ծնունդն ես բոլոր անբախտ հայրիկի և միակ գոհարիկը նրա շռալւած գանձերից: Աճի՛ր, իմ սիրելի Աիգեն. եղիր մաքուր աղանձակ և սրածուր լարձուկ... ու գնա՛ նոյն ճամբով: Դուն էլ դի՛ր գլուխդ հարազատ ժողովրդի համար և եղիր արժանի Հայրիկիդ:

ԴՕՔՏ. ՋԱՎ.

Օ Ր Հ Ա Ս Ի Փ Ե Ս Տ Ե Ր

Բուժ, յաւիտենօրէն կոյր օսմանեան մակեալելիզմը իր վերջին փամփուշտներն է արձակում հայկական խնդրի մէջ: Նա փորձեց չճանաչել այդ խնդրի գոյութիւնը: Դժբախտաբար՝ չկայ, կայ «Քիւրդիստան», կան «թեթեւ դժգոհութիւններ ու խլրտումներ» հայերի ու քրդերի միջև հողային խնդրում, որ շուտով, շատ շուտով պիտի դադարին, քանի որ Դուռը որոշած է մացնել անմիջապէս բարենորոգումներ, և այն՝ ոչ միայն «Քիւրդիստանում», այլ ամբողջ Ասիական թիւրքիոյ մէջ...

Այսպիսի յայտարարութիւններով էին պառասխանում թաւալածները՝ թէ հայերին և թէ Լուրպային: Ոչ ոք չհաւատաց, ոչ իսկ Եւրոպան, որ տասնեակ տարիների ընթացքում հաւատացող էր ձեացել Դրան բոլոր խաբբայ յայտարարութիւններին:

Կացութիւնը էլ նախկինը չէ: Միջպետական շահերը խճողւում, հիւսւում են հայոց հարցի հողի վրայ, ոչ մէկը չի ցանկանում վառել մի նոր հրդեհ Արեւելքում, հայկական լեռնադաշտի վրայ, որ կարող է տարածել մինչև Պարսիկ ու Լոնդոն:

Հայ շարժման ուրուականն է, որ մտածել է տալիս անգամ Բիսմարկի յաջորդներին... Նոր շարժում Հա-

յաստանի մէջ՝ կը նշանակէ ռուսական նոր միջամտութիւն, Ասիական Թիւրքիոյ անդամահատում և բոլոր միւս պետութիւնների միջև առջաւանք դէպի վիթխարի գիւղեր... Ընդհարումներ ու արիւնհեղութիւն:

Զգաստանում է անգամ Հանսունների և Պիչունների ֆրանսիան: Ահա, վերջապէս մի նախարարապետ և մի արտաքին գործերի մինիստր, որ հանդիսաւորապէս յանձնառու է լինում պաշտպանել հայկական դատը թիւրք ամբերիստ քաղաքագետների դէմ: «Թիւրք կառավարութիւնը—ասաց նորերս մինիստր-նախագահ Պուլմերգ—համոզւած լինելով թէ կը խուսափէ պետութիւնների ճնշումից, կանխելով նրանց առաջարկները, ինքը շտապեց նշանակել երկու օսմանցի ընդհանուր վերստեսուններ՝ հայոց վեց վիլայէթների համար: Սակայն Ռուսաստանը, ֆրանսիայի և Անգլիայի աջակցութեամբ, և միւս պետութիւնների համաձայնութեամբ շարունակում է սկսած դիմումները, որպէս զի տուրի Հայաստանին մի ռէժիմ, որը պիտի ապահովէ մարդկանց կեանքն ու գոյքը: Հաւատարիմ մարդկայնութեան սկզբունքներին... ես պէտք է երկրորդեմ մեր գաշնակցի ճիգերը, որպէս զի հաստատուին հայկական նահանգներում կարգն ու խաղաղութիւնը»...

Այսպէս էր խօսում այն երկրի նախարարապետը որից Թիւրքիան ակնկալում է դրամական խոշոր աջակցութիւն՝ իր աւերածները շտկելու համար:

Պոլսի մէջ ևս սկսեցին զգաստանաւոր եւրոպան ըստ երևոյթին կատակ չի անում այլ ևս: Մնում էր մէկ ելք անախորժ կացութիւնից: Դրան կարծածիտ դիպումաները անպատճառ փրկել էին ուզում օսմանեան «պրեստիժը», սուլթանական գերիշխանութիւնը, որ խախտում էր Հայաստանի մէջ, եւրոպական կօնտրոլի հաստատումով... մի պրեստիժ, որ հազար անգամ և հազարաւոր ձեւերով խախտել է արդէն և որից խղճուկ թափթփուկներ են միայն մնացել:

Մնում էր մէկ ելք—համոզել հայերին, նախ բաղցրութեամբ, ապա և սպառնալիքով, որ հրաժարւին եւրոպական կօնտրոլից և վստահին Թիւրքիոյ խօսքին ու տրեւիք բարենորոգումներին: Իսկ ահա երկար բանակցութիւններ.—նախ, ի հարկէ, «Դաշնակցութեան» հետ: Հայ Յեղափոխական կազմակերպութիւնը չէ, որ կ'երթայ փնտրելու Թալաթներն ու Զափիդները և սակարգելու նրանց հետ, ինչպէս որ բարձրաձայն կը յայտարարին Մօսկւայի ու Թիֆլիսի սիկօֆանները, զանազան ջիվիլիզացիներ ու համահարգներ: Թիւրք մինիստրներն են, որ կը փնտրին «Դաշնակցութիւնը», ձգտելով—ունայն աշխատանք—գէթ փոքր ինչ վստահութիւններ չնշել նրան և նրա միջոցով հայ ժողովուրդին:

Իսկ երբ «Դաշնակցութիւնը» վճռականորէն շեշտեց եւրոպական կօնտրոլի անպայման անհրաժեշտութեան վրայ, երբ ազգային իշխանութիւններն ևս, կաթողիկո-

սական պատգամաւորութեան առաջնորդի հետ յայտարարեցին, որ երբէք չեն կարող զոհել կօնտրոլի սկզբունքը, այն ժամանակ Թիւրքական մոլեռանդութիւնը սկսեց թոյն ժայթքել և մինիստրների բերնով իսկ սպառնաց... նոր ջարդ սարքել:

Օրհասի ժեստեր են:

Յամենայն դէպս այդ կոպիտ սպառնալիքը թող մի աւելորդ խթան լինի մեզ համար, որ պատրաստուինք ամեն տեսակ պատահականութեանց դէմ, առաջ տանք ինքնապաշտպանութեան մեր գործը, ո՛րժ կազմենք մեր նզովեալ միջավայրում: Որքան աւելի ուժեղ լինենք, այնքան աւելի զգուշութեամբ կը վարւին մեզ հետ մեր ապիկար հրամանատարները, այնքան աւելի կորովով կը շարժւին և պետութիւնները հայկական խնդրի մէջ:

ՔԱՂԱՔԱԿԱՆ ՀԱՅ ԿՈՒՍԱԿՑՈՒԹԻՒՆՆԵՐՈՒ

Հ. Ս. Մ. Ե. Ր. Ա. Շ. Խ. Ո. Ի. Թ. Ի. Ի. Ե. Ը.

ՅԱՅՏԱՐԱՐԱԳԻՐ

Խորապէս ներշնած այն մեծ պարտականութենէն, որ հայ ժողովուրդի կացութիւնը կը դնէ բաղաժանան կուսակցութիւններու վրայ, և համոզւած թէ որքան կարևորութիւն ունի քաղաքական բոլոր ուժերու ներդաշնակ գործակցութիւնը պետական և հանրային կեանքի ներկայ օրերուն, Հայ Կուսասցութիւններու ձեռնհաս Մարմինները.—

Հ. Յ. Դաշնակցութեան Արևմտեան Բիւրօն,

Ս. Դ. Հնչակ. Կուսակց. Տաճկ. Կեդր. Վարիչ Մարմինը, Սահմանադիր Ռամկավարներու Կեդրոն. Ակումբը, և Վերակազմեալ Հնչակեան Կեդրոնի վարչութիւնը

շարք մը խորհրդակցական ժողովներէ ետք, որոշեցին՝

Ա) Միասնաբար և ձեռք ձեռքի աւանդօրէն Հայկական Բարենորոգումներու համաժողովին համար:

Բ) Համաձայնութեամբ շարժել Ազգային Կեդր. Մարմինը և Կուսակցական Մարմինները Մէջ:

Գ) Համարաշխօրէն ընթանալ Օսմ. Եւրոպ. Իսթ. և Կ. Ս. Մ. Ե. Ր. Ա. Շ. Խ. Ո. Ի. Թ. Ի. Ի. Ե. Ը. խնդիրներու մէջ:

Հարցեր, որոնք կենսական են ու այժմեական, և կը պահանջեն քաղաքական ուժերու խելացի համագործակցութիւն:

Միջկուսակցական այս համերաշխութեան կէտ նպատակն է՝ բոլոր ոյժերը ի սպաս դնել Հայկական Բարենորոգումներուն, որոնց իրականացումը պարագանցապէս անհրաժեշտ է թէ՛ ժողովուրդի և թէ՛ պետութեան շահերու տեսակէտէն, ջանք ու աշխատանք չինայել մէջտեղէն վերցնելու բոլոր սին ու վնասակար վէճերն ու ընդհարումները, որոնք տարիներ տարիներ պառակտման և հեռաւարտ ոյժերու ամուլ վատնումի պատճառ են եղած. անկեղծօրէն ձգտել համերաշխական այս շարժման կապելու հայ հասարակութեան անկուսակցական

շրջանները, որպէս զի բոլոր կենսունակ և շինարար ոյժերը, բոլոր հոսանքները կարող ըլլան ծառայելու գլխաւոր նպատակին, — Երկրին և հայ ժողովուրդին՝ անոր սահմանադրական և ազգային իրաւունքներու ամրապնդման համար:

Համերաշխական ներկայ շարժումը — պէտք է շեշտել — չի սահմանափակիր կուսակցական շրջանակով: Ան կը ձգտի այս աշխատանքին կապել չէզոք հասարակութեան զանազան խաւերը, իր այլ և այլ հիմնարկութիւններով. ուստի կը սիրենք յուսալ, թէ այս ճամբուն վրայ պիտի չհանդիպինք արգելքի կամ չկամոթեան, բանի որ այս շարժումն ու իր նպատակը կուսակցական չեն, այլ համաժողովրդական, նոյնքան սիրելի չէզոք հասարակութեան, որքան և կուսակցական շարքերուն համար:

Միջկուսակցական ժողովը որոշած է ներքին կանոնադրով մը մանրամասնել ներկայ համաձայնութեան նպատակը, կուսակցական փոխադարձ յարաբերութիւններու սահմանները, միջկուսակցական Միջնորդ Ատեաններու դերը, որպէս զի կարելի ըլլայ պառակտումներու և թիրախացութիւններու առաջն առնել և ներդաշնակութիւն մտցնել կուսակցական յարաբերութեանց մէջ: Այդ մանրամասնութիւնները կը հաղորդեն առկայ Մարմիններուն, կուսակցական ճամբով, որպէս զի ամեն տեղ՝ կազմակերպական շարքերը ընթանան այն շաւղով, որ կը համապատասխանէ համերաշխութեան ոգւոյն և նպատակին:

Համամտութեան և բերկրանքի այն բուռն արտայայտութիւնները, որոնցմով հասարակութիւնը ամիսներ առաջ ողջունեց համերաշխութեան մասնակի ձեռնարկները Երկրի ներսը և Գաղութներու մէջ, իրաւունք կուտան մեզ հաւատալու, թէ՛ բաղաբական Հայ Կուսակցութեանց ղեկավար Մարմիններու ներկայ յայտարարագիրը, — նոր ու զօրեղ ն իրագործում մը համերաշխական շարժման — պիտի գտնէ ջերմ, անկեղծ և գործնական ընդունելութիւն թէ՛ կուսակցական և թէ արտակուսակցական խաւերու մէջ: Այլ ևս ոչ մէկ երկդիմութիւն, ոչ ալ քայքայիչ յոռետեսութիւն, ընդհակառակը: Այս շարժումը, որուն իրագործման վաղուց փափաքող է հայ ժողովուրդը, պէտք է իր արդէն փշոտ ճամբուն վրայ գտնէ բոլորին կողմէ — կուսակցական թէ չէ, մտաւորական թէ աշխատաւոր, վաճառական թէ արհեստաւոր — անկեղծ համակրանք, խորունկ յարգանք ու գործնական աջակցութիւն:

Ու այդ հաւատքով՝

Կ'ողջունենք համագործակցութեան շարժումը, որ այս օրինակ համաձայնութեամբ շաղկապելով քաղաքական Հայ Կուսակցութիւններու ղեկավար Մարմինները, կը խոստանայ տարածել զայն ընդհանուրի վրայ:

Կ'ողջունենք մանաւանդ Երկրի բազմազաւ ժողովուրդը, որ ակնդէտ կըսպասէ իր գործօն ոյժերու ներդաշնակ աշխատանքին և որուն հանդէպ՝ ներկայ հա-

մերաշխութիւնը բաղաբական յարգանքի նոր ապացոյց մըն է, բաջալերիչ ու խոստմնալից:

Յարգանք Միջկուսակցական համագործակցութեան:

Յարգանք հայ ժողովուրդին, որուն պիտի ծառայեն բոլոր կուսակցութիւնները:

Հ. Յ. Դաւենակցութեան Արեւմտեան Ռաբո Ս. Դ. Հնչ. Կուս. Ցանկ. Կեդր. վարչ. Մարմին Ստեփանաղի Թավրական. Կեդր. Արեւմ. վարչական մարմին Հնչուկ. Կեդրոնի վարչութիւն:

1913 նոյեմբեր

Ա. Պօլիս:

Պ Ա Ր Ս Կ Ա Ս Տ Ա Ն

Յ Ա Ր Ս Տ Ե Ի Ո Ղ Տ Ա Գ Ն Ա Պ Ը

Բեգեմի գալուստը. — Մէջլիսի բնօրէններ. — Ծանօթութեան խումբ:

Թեհրան, հոկտեմբեր

Երկար ու անհամբեր սպասեցնելուց յետոյ՝ վերջապէս բարեհաճեց երկիր մտնել խնամակալը, նա յիւր Սալթանէ, Հեաբքըրութիւնից զուրկ չեն նրա բաղաք գալու մանրամասնութիւնները, որ ինքնին շատ բան կարող են պարզել ձեզ: Գիտէի արդէն, որ խնամակալը գնացել էր արտասահման՝ եւրոպական պետութիւնների տրամադրութիւններն իմանալու և դրամ հայցելու այս երկրի համար: Երկար ժամանակ այստեղից անընդհատ տեղում էին հեռագիրներ՝ խնդրելով նրան վերադառնալ երկիր, բայց ապարդիւն: Ի վերջոյ, երկրիս խորիմաստ նախարարները վճռեցին մի մարդ ուղարկել նրան բերելու: Արաբին գործոց նախարարին էլ այլ միտիայով ուղարկեցին: Սրան վերջապէս յաջողուում է համոզել, որ խնամակալը վերադառնայ: Աւերջինս ճանապարհուում է, իսկ մինիստրը մնում է Պետերբուրգում, երեւի «պակասը լրացնելու» համար: Խնամակալին գալուց առաջ կարողանում են վախեցնել: Ռաշտից մինչև Ղազվին 200 ժանդարմի ուղեկցութեամբ է գալիս, այնտեղից այս կողմն էլ մի ուրիշ 200-եակի: Թեհրանից Ռաշտ ամբողջ ճանապարհների վարչութեան 4000 թուրքեր էր վճարել, որ իր գալու 4 օրւայ ընթացքում ոչ մի ճանապարհորդի կառք չտան և ճանապարհի վրայ ոչ մի կառք չեւեւայ. քաղաքում այդ ժամանակ խիստ հսկողութիւն կար և արտակարգ պահակներ էին շրջում: Խնամակալը կասկածում էր, որ իրեն ուղում են խփել, և դրա հետեւեւք պէտք է նկատել այդ բոլոր տարօրինակութիւնները: Մայրաքաղաքից քիչ հեռու իջնում է գիշերելու: Յայտարարած էր, որ առաւօտեան նա քաղաք է գալու: Սակայն մեր զգոյշ խնամակալը նոյն գիշեր մի կառքում մենակ ու մի ժանդարմի ուղեկցութեամբ քաղաք է մտնում: Հետեւեւալ օրը միայն իմացուում է նրա գալը:

Խնամակարի գալուց շատ բաներ սպասողներ կան: Գարծում են, թէ նա կարող կը լինի երկիրը հանել այս տարածում ու լքած վիճակից, կարգի բերել գործերը և վերականգնել սահմանադրութիւնն ու մէջլիսը: Մեր կարծիքով դրանք ուրիշ ոչինչ չեն, եթէ ոչ հիասթափութեան ու յուսահատութեան վերջին ճիգեր ու յոյսեր: Խնամակար յայտնել է մինիստրական կազմին, թէ երկիրը շատ բարեփոխած է գտնում (?), թէ կարգ ու կանոն վերահաստատած է, թէ Պարսկաստանը անձանաչելի է դառել և այլն: Նրա գալուց յետոյ, գիշերները լոյս էին տեսնում թռուցիկներ, որոնց մէջ պախարակում ու դատապարտում էին խնամակարին, աւելորդ էին համարում նրա վերադարձը և առհասարակ բաւական խիստ լեզու էին բանեցնում նրա դէմ: Մարդը այժմ իր պաշտօնին է անցած: Քծնող մամուլը գովում, փառաբանում է նրան: Ոչ միայն ձախ, այլ և պարզ ազատամիտ ու շիտակ մի թերթ չկայ հրապարակի վրայ, որտեղից կարելի լինէր հասարակութեան այդ մասի կարծիքներին ծանօթանալ: Զգալի փոփոխութիւններ նրա գալուց յետոյ տեղի չի ունեցել, որ կարելի լինէր մատնանշել:

Մէջլիսի ընտրութիւնները նշանակած էին մօտ մի ամիսուկէս սրանից առաջ: Ընտրական պայքարն ու հետաքրքրութիւնը այստեղ շատ աննշան է, գրեթէ բացակայում է: Պայքարող կուսակցութիւններ ու խմբակցութիւններ չկան հրապարակի վրայ: Պայքարում են, եթէ կարելի է այսպէս արտայայտել, թայֆաները, ֆէոդալական ու բուրժուական կարգերի տիպար ներկայացուցիչները: Թեկնածուների ցանկում պահպանողականների ու յետագիմականների անուններ են, որ փայլում են: Ընտրութիւնների յայտարարումից քիչ յետոյ, Արապտականից, Խորասանից, Մազանդարանից հեռագիրներով դիմումներ են եղել կառավարութեան, պահանջելով չբացել Մէջլիսը մատնանշելով, որ նա փոստակար է երկրի համար: Հեռագրները բոլորն էլ եկած են այն շրջաններից, ուր գտնում են ռուսական զօրքերն ու իշխող նրանց ազդեցութիւնը: Այս անակալը չփոթեցրել է կառավարութեան, որը մի ամսով յետաձգել է ընտրութիւնները:

Նոր ընտրողական օրէնքով, որ հայերին չի ծանաչում երկրի իսկական քաղաքացիներ, այլ մի կրօնական աղանդ, հայերն ու ասորիները պէտք է ունենային 2 պատգամաւոր: Հայերը $1\frac{1}{2}$ և ասորիները $\frac{1}{2}$ (!): Ընտրութիւնները եղանակը հայերի համար նախորոշած չէ ընտրողական օրէնքներով: Այդ պատճառով դիմել է Թեհրանի համայնական վարչութեան ու խնդրել են տալ 2 ներկայացուցիչ միասին առաջ տանելու այդ հարցը: Ներկայացուցիչները ընտրած ու գործի են անցած արդէն:

Մինիստրական կաբինետը իր վերջին օրերն է ապրում: Արաքին գործոց մինիստրը Պեաերբուր-

գում է հանգստահում, միւսները հրաժարւած կամ գրեթէ հրաժարւած են: Ժողովները չեն գումարում: հարցերը բարձի թողի են արւած: Կազմի մէջ մնացել են միայն երկու հոգի: Ինչ խօսք՝ որ նորը պիտի կազմէ: Թէ ինչ է այդ նորը ներկայ պայմաններում, դժւար չէ գուշակել: Յամենայն դէպս՝ ոչ առաջագէտ և ոչ էլ անկեղծ հայրենասէր ու բաղաբագէտ...

Արաքն էլ այս երկրի այն անհանգիստ շրջաններից մէկն է, ուր զանազան էլիաթներ ու խաներ տէր ու տնօրէն են հանդիսանում և անընդհատ իրենց աւագակային ու գազանային բնազդները յագեցնելու միջոցներ ստեղծում: Թաւաններն ու աւազակութիւնները ոչ անսպասելի են եղել այստեղ և, որ գլխաւորն է, ոչ էլ միջոցներ են ձեռք առնել կառավարութեան կողմից՝ նրանց առաջն առնելու: Թեւաւորւած դրանով՝ Արաքի լուրերը այս տարի էլ սկսել էին իրենց «գործը» այդ շրջանում: Նրանց դէմ էին գնացել ժանդարմներ և մի ջարդ աւել լուրերին մօտ երեք շաբաթ սրանից առաջ: Դրանից յետոյ լուրերը դեռ ոչինչ չեն արել:

Վերջերս բաղաբուս առաջ էր եկել շանտաժիստների մի խմբակ՝ կազմւած մեծ մասամբ բանակում եղած ու մեր շարքերից վտարւած զինւորներից: Շանտաժի մի քանի դէպք տեղի ունենալուց յետոյ՝ ոստիկանութիւնը նրանց ձերբակալեց: Ռուսահպատակներին յանձնեցին ռուսական կոնսուլատ, պահանջելով հենց նոյն գիշեր պահակների հսկողութեամբ հեռացնել այստեղից և տանել Ռուսաստան, որ և կատարեց անմիջապէս, իսկ պարսկահպատակներն ու տաճիկահպատակները դեռ բանտում են: Տաճիկական պահանջին՝ յանձնելու թիւրք հպատակին՝ պատասխանւած է, որ այդ կ'արւի դատը կատարելուց յետոյ:

Ա Զ Դ Ա Ր Ա Ր Ո Ւ Թ Ի Ի Ն

Նախկին խմբապետ Գիքօն նորէն անյայտացել է Թէհրանից, ուր մի քանի ամիս էր ինչ վերադարձել էր: Կառավարութեան հետ համաձայնութեան գալուց յետոյ՝

Այդ առթիւ կարեւոր ենք համարում ասել հետեւեալը: Հ. Յ. Դ. Շահասանի Կ. Կոմիտէի 1912 դեկտեմբերի յայտնի թռուցիկից յետոյ, որով յայտարարում էր թէ այն անձնաւորութիւնները, որոնք կը շարունակեն մնալ կառավարութեան բանակում կը համարւին ոչ դաշնակցական, Գիքօն բանակը մտնելով և նրա խմբապետութիւնը ստանձնելով արդէն հեռացած համարեց մեր կազմակերպութիւնից:

Նրա՝ կառավարութեան դէմ ըմբոստանալու ժամանակ և արկածի ընթացքում Կ. Կոմիտէի բոլորովին աւելորդ համարեց նրա ոչ դաշնակցական լինելը կրկնել: Հիշողւած որ իր վերոյիշած թռուցիկից յետոյ, այլ ևս նրան ոչ որ դաշնակցական չէր ճանաչի:

Սակայն, ինչպէս վերջերում պարզեց, անծանօթ շըր-
ջաններ նրա դաշնակցական լինելու կամ չլինելու վե-
րաբերմամբ թիւրիմացութեան մէջ էին ընկել և ոմանք
հիմնած «Դրօշակ»ի մէջ նրա անցեալ կռիւների մասին
եղած թղթակցութիւնների վրայ, շարունակում էին
ճանաչել իբրև գաշնակցական:

Նման թիւրիմացութիւններից ազատելու համար այն
նոր շրջանները, ուր նա կարող է անցնել, պարտք ենք
համարում կրկնելու, որ Գիքօն մեր շրջանի Դաշնակ-
ցութիւնից վաղուց ի վեր հեռացած է:

Առաջարկում ենք ինչպէս մեր շրջանի, նոյնպէս և
այլ վայրերի Դաշնակց. մարմիններին ու ընկերներին,
չճանաչել Գիքօնին իբրև գաշնակցական և նրա հետ
կազմակերպական ոչ մի յարաբերութիւն չունենալ:

Հ. Յ. Դ. ՇԱՀՍՏԱՆԻ Կ. ԿՕՄԻՏԷ

հոկտ. 1913 թ.

ՅԵՂԱՓՈԽԱԿԱՆ ԿԵԱՆՔ

ՀԱՅ ԸՄԲՈՍՏԱՅՄԱՆ ՅՕՐԵԼԵԱՆԸ

(ՄԿՐՏԻՃ ՓՈՐԹՈՒԳԱԼԵԱՆ)

Մօտ 30 տարի է անցել այն օրից, երբ Փորթուգալեան,
տարագրելով վասպուրականից, ուր ներկայ էր կըր-
թական-դաստիարակչական գործունեութեան, եկաւ
Մարսէլլ, հաստատեց այնտեղ առաջին հայ յեղափոխա-
կան ազատ տպարանը և հրատարակեց հայ անդրանիկ
յեղափոխական օրգանը «Արմէնիա» անունով:

Դեկտեմբեր 25-ին Մարսէլլի հայ գաղութը, տեղ-
ւոյն ֆրանսիական մամուլի թղթակիցների ներկայու-
թեամբ, շուքով կատարեց ծերունազարդ գործիչի յօ-
բելիանը:

Գրական-երաժշտական այդ հանդէսը դարձաւ յե-
ղափոխական մի գեղեցիկ ասնախմբութիւն՝ Պարիզէն
եկած էր յայտնի վարպետ-երաժշտուհի օր. Բաբայանն:
Եղան ճառեր ու ասնախմբութիւններ՝ յօբելանարի գոր-
ծունեութիւնը դրատող: Խօսեցին պ. պ. Սահաղջեան,
գաղութի կողմից, Ես. Մինասեան, Վ. Ջարգարեան և
Ծ. Վարանդեան, վերջինը «Դրօշակ»ի խմբագրութեան
կողմից: Երգեցիկ խումբը, կազմած տեղւոյն դաշնակ-
ցական արհեստաւոր և գործաւոր ընկերներից, երգեց
մէջ ընդ մէջ հայրենասիրական և մարտական երգեր:

Բազմաթիւ շնորհակատական հեռագիրները կարդա-
լուց յետոյ, նախագահը խօսք տւեց «Դրօշակ»ի ներ-
կայացուցչին՝ Վերջինը դիմեց նախ հանդէսին մասնակ-
ցող ֆրանսիացի հիւրերին, բացատրեց մի քանի խօսքով
յօբելանի իմաստը. «Փորթուգալեան նոյնն է հայերի
համար, ինչոր Հերցեն ոռոսների համար. — հիմնագիր
ազատ և ըմբոստ խօսքի՝ արտասահմանում Հայերը չեն
մոռանայ — հակառակ այն գծուձ, terre-à-terre բա-
ղաբականութեան, որ մղեցին իրենց հարցի վերաբեր-

մամբ ֆրանսիական մի երկու միներսարներ, դառն յու-
սախաբութիւն պատճառելով, — հայերը չեն կարող մո-
ռանալ, որ ֆրանսիական այս ազատ հողի վրայ ապաս-
տանեց առաջին հայ քաղաքական տարագիրը և այս-
տեղից փորձեց սթափեցնել մտքերը բռնակալութեան
ճիրաններին մատնած հեռաւոր հայրենիքի մէջ...»

Ապա շարունակեց հայերէն, գծեց պատմական խո-
շոր իրողութիւնների այն շարանը, որոնք ծնունդ տւին «Ար-
մէնիա»ին և Մկրտիչ Փորթուգալեանի քարոզչութեան:

Նա ծնունդ էր իր պատմական միջավայրի՝ Մի շարք սե-
րունդներ թողնովէլ էին արդէն Ազատութեան ու Ըմբոս-
տացման բառբառը: 40-ական թւականները՝ Ռուսինեանների
ու Պալեանների բերնով, 50-ական թւականները՝ Վարա-
դեան «արծիւների» քարոզչերով, 60-ական թւականները՝
Սահմանադրութեան լոզունգներով, 70-ական թւականները՝
Բաժնիքի և ամբողջ կովկասահայ պլէյեադի գրեածքներով...
Հապա կեանքն ևս — թիւրքահայ ժողովրդական կեանքը —
սկսել էր արդէն փոթորկւել... 61-րդ յօդաւորը վիժել էր,
Բաժնիքի Ասլանները երևան էին գալիս Հայաստանում, մաս-
նաւորապէս Վասպուրականում, իսկ 1882-ին բռնւում էր
արդէն Էրզրումի մէջ առաջին հայ գաղտնի ընկերութիւնը...
Ահա մի այդպիսի մթնոլորտում էր, որ հանդէս եկաւ Փոր-
թուգալեանը...

Ատենախօսը նկարագրեց «Արմէնիա»ի առաջին քա-
լերը և նրա գործած տպաւորութիւնը երկրի մէջ, մաս-
նաւորապէս Կովկասում:

Ռուսիի մի խուլ որոտ էր, որ Միջերկրական ճեղքելով
գալիս հասնում էր մեր պատանեկան ականջներին. կրօնա-
կան ջերմեւանդութեամբ էինք պահում ծոցի մէջ «Ար-
մէնիա»-ի հազարադիւտ ու արգելած համարները, անցնում
էին նրանք ձեռքէ ձեռք, մինչև որ իսպառ տրորւում էին...

... Ծնւեց Հայ Հայրենասիրական Միութիւնը, ճիւղեր
արձակեց մասնաւոր Վասպուրականում... Հրապարակ եկան
շուտով ուրիշ կուսակցութիւններ, շարժումը կորատուեց...
Կ ու ս ա կ ց ու թ իւ ն ն եր ի անհամաձայնութիւնը
չէր պատճառ հայոց դատի անաջողութեան, այլ պ ե տ ու
թ իւ ն ն եր ի անհամաձայնութիւնը, գիւսնադիտական
շարաշուք խաղերը... Չ'ողբա՛նք անվերջ մեր ներքին անմիա-
բանութիւնը, որ դարերից ի վեր հայ գործիչը պատճառ է
սեպել մեր ազգային աղէտների և որի վրայ մեր յօբելանին
ևս ծանրացել է երկարօրէն, իբրև բացառապէս հայ-ցեղային
մի արտա... Նա յատուկ է, սակայն, նաեւ աւելի բարձր
ազգերի ֆրանսիայի մէջ ևս յաճախ ենք լսում ճիշ ու
վայնասուն՝ ներքին անմիաբանութեան առթիւ և Մեծ Զե-
ղափոխութեան օրերից ի վեր առած է դարձած. «gallus
gallo luxus», «գաղիացին գայլ է գաղիացու համար» անա-
խորժ դարձածը... Եղան ծրագրի ու տակտիկի հակառա-
կութիւններ հայկական կազմակերպութիւնների մէջ — ազգը
չի կարող միակերպ մտածել, միակերպ զգալ — սակայն ղէթ
մենք, գաշնակցականներ, բնագաղտնելով հանդերձ Փորթու-
գալեանի գործունեութեան ուղղութիւնը, միշտ տածել ենք
անկեղծ յարգանք դէպի նրա անձն ու աշխատանքը...

Խօսք առաւ պ. Ես. Մինասեանը, հին ու տարագիր
մի յեղափոխական:

Այսօր Մարսէլլի հայութիւնը ժողովել է այս յարկի
տակ իր երախտագիտական զգացումներն արտայայտելու
ձեղ պատկառելի Զօրելեար, իբրև լաւագոյն գաղափարների
մի զինուորի, որ տասնեակ տարիներ գործել ու աքնել է իր
հարազատ ժողովրդի դատը պաշտպանելու համար:

Դուք կասարեցիք ձեր մարդկային պարտականութիւնը,
հաւատարմի միտով մինչև խորին ծերութիւն՝ մարդկու-
թեան լաւագոյն զաւակների դաւանած ըմբոստ գաղափար-
ներին, մի նշանախեց անգամ չփոխելով ձեր կեանքի մէջ,
այնքան հարուստ զրկանքներով:

Այժ օրերում, երբ Հայաստանի մէջ հայ ժողովուրդը լոյս էր խնդրում, իսկ Պոլսի աղաներն ու գիտունները ֆէսերը թեք դրած՝ Բօսֆորի գեղածիծաղ ամբերում իրենց սնամէջ ճառերովն էին հիանում, ոչ մի գոհաբերութիւն յանձն չ'առնելով դէպի երկրի խաւարի մէջ դեգերող հայ ժողովուրդը, դուք էիք առաջինը, սիրելի փորձուգալեան, որ իբրեւ ժողովրդի հարազատգաւականացաք տառապանքների աշխարհը։

Ո՞վ չի ճանաչում ձեզ և ո՞վ չգիտէ ձեր անձնէր գործունէութիւնը։ Ես գեռ ուսանող, երիտասարդ հասակումս, կը յիշեմ, Վովկասի հայ ժողովրդի մէջ փորձուգալեան տնունը բերնից բերան էր հոլովում։

Ծանր օրեր շատ տեսաք, տառապանքներ շատ կրեցիք. դա ձեզ նման հասարակական գործիչներին անխուսափելի ճակատագիրն է այս անիծեալ աշխարհում, թո՛ղ այդ ձեզ չվշտացնէ, բայց դուք ձեր կրած տառապանքներով, ձեր դաշտափարական գործունէութեամբ կանգնեցիք ձեզ համար մի անձեռագործ արձան։

Մեր այս տխուր իրականութեան մէջ, բոլոր երևոյթիւն կը նկատուին շատ երջանիկներ, ճոխ ու փարթամ կեանքեր. մարդիկ, որոնք իրենց ետական վայելքներից զուրս անընդունակ են ոչինչ ըմբռնելու. մարդիկ, երջանիկներ, որ այսօր կան ու շնչում են, բայց վաղը նրանք ընդմիշտ կորած են, պատմութեան համար նրանք գոյութիւն չ'ունին, պատմութեան մէջ նրանք տեղ չ'ունին։

Խրիմեաններ, Իզմիրլեաններ, Պատկանեաններ, Արծուհիներ, Բաֆֆիներ, փորձուգալեաններ, Բրիտափոքներ, Չաւարեաններ—ահա՛ մարդիկ, ահա՛ գործիչներ, որոնք իրենց ամբողջութեամբ, իրենց ժողովրդասիրութեամբ, իրենց անկաշառ ոգով կազմելու են մեր նորագոյն պատմութեան ամենափայլուն էջերը։

Վ'անցին դարեր, բայց դուք ու ձեր նմանները, սիրելի փորձուգալեան, կ'ապրիք պատմութեան համար ու ձեր անձնէր գործունէութիւնը կը լինի գաղափարական խիտան մեր ապագայ սերունդներին։

Ապա խօսք արեց թիւրքահայ գործիչ պ. Ահհան Չարգարեանին, որ ասաց ի միջի այլոց հետեւեալը.

Ինծի գեղեցիկ անակնկալ մ'եղաւ այս Զօբելեանին յետաճումը, ես որ կը կարծէի թէ չպիտի հասնէի՝ Ամերիկայէ վերադարձիս, այդ յետաճումով էջ որ բախտը կուտենամ ներկայ գտնելի և միանգամայն թրքահայ գրչի եղբայրներնեղս անունով իմ շնորհաւորանքը ներկայացնել քեզ, մեծանուն Զօբելեար, դուք որ եղար ռահվիրան Հայ Բեղափոխութեան։

Քու գործունէութեանդ լրագրական մասն կրակիս «Արա» թերթով, երբ 78-ական թւականներուն, հոն քու այդ հրատարակած թերթերուդ մէջ ուրիշ թերթերէն տարբեր ուղղութիւն մը ընդգրկեցիր, ուղղութիւն՝ որ վերջը «Արմենիա»-ով շարունակեցիր։ Պոլսի չկրցար մնալ, քանի որ ալ սեւ ամպերը սկսած էին կուտակել, ամեն ինչ ալ սկսած էր բռնապետական դառնալ, հոն ազատութեան գաղափարը մուտ գտած էր ու ալ չէիր կարող մնալ հոն, անոր համար որ հալածանքը կրակներ քեզի դէմ։ Հոն Եւրոպայի մէջ Պերլինի յօդածը կը գրէր։ Օսմանեան ռահմանագրութիւնը կը հաստատուէր և միւս կողմէ ալ բռնապետութիւնը հետզհետէ կը վառվարացնէր հայութեան վիճակը. ու դուն տարիներով ուսուցչական տապաւնի մէջ դեգերելէ զինի, կը դիմէիր ֆրանսայի հիւրասէր ամբերու վրայ, հոն հաստատելու համար «Արմենիա»-ը և անով Հայ Ըմբոսադուր, ասիկայ քու յօբելեանդ չէ, այլ Հայ Բեղափոխութեան յօբելեանն է, որ քեզմով սկսաւ մտնել ըմբոստ փուլի մը մէջ...

Ժողովուրդի գաւակն էր ան, տառապած ցեղին հարազատ տղան, որ տարիներ առաջ կը գիմէր Մարսէլ, Ֆրանսական հիւրասէր գրօշակին տակ հիմնելու համար իր թերթը... Փորձուգալեանը ազաջողական ձևով չէր, որ կը ներկայանար եւրոպական դիւանագիտութեան, այլ կուգար ուղղակի հայ ժողովուրդին կը դիմէր, իրեն ցոյց տալով թէ ը մ բ ու տ ա ց ու մ ն է ու ր կ ա պ ր ե ց ն է ա զ գ ե ր ր ու հ ա յ չ ա ր չ ր կ ա ծ ա զ գ ր պ է տ ք ու ն է ր

յ յ զ ա փ ո խ ու թ ե ա ն և փոխանակ Սաղմոսի ան կուտար «Արմենիա»։ Տարիները անցան այն օրէն, յեղափոխութիւնը հետզհետէ ուռճացած կը ներկայանայ այսօր, այս գեղեցիկ յօբելեանի օրը անկա համերաշխ մէկ սիրտ, մէկ հոգի և հայութեան ցաւերուն ցաւակից։ Դուք, ազնիւ Զօբելեար, ձեզի համար ամենէն գեղեցիկ մալթանքը որ պիտի բլլայ, այն է, մալթել քեզ որ ապրիս ու տեսնես Հայ Ազատագրման երջանիկ օրը, որ ալ ուշ չէ և քիչ ատենէն պիտի տեսնես զայն, ու ան պիտի բլլայ գեղեցիկ ու շնորհալի նւերը քու յօբելեանիդ...

Հանդէսը վերջացաւ պ. փորձուգալեանի խիստ յուզիչ պատասխան ճառով, որ, տարաբախտաբար, չունինք ձեռքի տակ։ Բազմութիւնը մի քանի անգամ ողջունեց Զօբելեարին բռն ու երկարատեւ ծափերով։ Ամենքը միաբերան վկայում էին, որ Մարսէլի հայ գաղութը չէր տեսած այդքան չքեղ մի հանդէս։

ՎՕՆՍՏԱՆԴԻՆ ԽԱՏԻՍԵԱՆ

Վովկասահայ երիտասարդութեան լաւագոյն օրերն է յիշեցնում այդ անունը։ Օրեր խանդավառ և սրբազան յափշտակութեան, երբ այնքան մօտ էր թւում Իդէալի իրագործումը, երբ թիւրքահայոց ազատութիւնն ու անկախութիւնը ձեռք բերելու համար, բաւական էր թւում հրոսակային մի արշաւանք, մի թռիչք և Վովկունեան...

Մեծ դեր խաղաց հանգուցեալ Խատիսեանը ոգևորութեան ու համատարած խմորումի այդ շրջանում— 80-ական թւերի վերջում, երբ ծնունդ էր առնում Հ. Յ. Դաշնակցութիւնը— մեծ ու գործօն մասնակցութիւն ունեցաւ դէպքերի մէջ՝ իր ուժեղ ու ըմբոստ խառնածոքով, իր կամքէ և ինքնիշխանութիւնով և իր անսահման, հայրենասիրական ու յեղափոխական եռանդով։

Երկար չգիմացաւ այդ եռանդը կեանքի փոթորկոտ ձախորդութիւններին, Խատիսեան թողեց յեղափոխական հրապարակը, նւիրեց հայրենասիրական նոյն անշիջ կրակով՝ լէգալ, խաղաղ գործունէութեան։ Իր վաղմի ընկերները, այնուամենայնիւ, յարգանքով կը յիշեն միշտ իր անունը և ապագայ պատմագիրը յաճախ կը հանդիպէ Վոնստանդին Խատիսեանին, երբ կը փորձէ պատմել մանրամասնօրէն 1889—1890-ի երկունքի շրջանը։

Ա Ձ Դ

Խնդրում ենք մեր բոլոր բաժանորդներից և գործակալներից, որ շտապեցնեն 1914-ի բաժանորդագրութիւնը, այլապէս պիտի դադարեցնենք թերթի շտաբումը—անգամ անհատ ընկերներին։

Բաժանորդագրութիւնը բացարձակապէս կանխիկ է։ Երկրորդ ենք ի գիտութիւն գործակալների, որ 1914-ից սկսած դադարեցնեն հատափաճառը։ Այդ առթիւ եղած ու լինելիք բոլոր գիմումները անկատար պիտի մնան։

Խնդրում է նոր հասցէների հետ ուղարկել նաև նորը, Հասցէների փոփոխութիւնը ձրի է։

«ԳՐՕՇԱՎ»-Ի ԽՊԲԱԿՐՈՒԹԻՒՆ